

1 YachayKunawan ruraykuna

Urin Qichwa Chanka

Ciclo VI



Saberes y haceres | 1



PERÚ

Ministerio
de Educación

El ciudadano que queremos




**Curriculo
Nacional**

1 Yachaykunawan ruraykuna

Urin Qichwa Chanka

Ciclo VI





Ministerio de Educación

Dirección General de Educación Básica Alternativa, Intercultural Bilingüe
y de Servicios Educativos en el Ámbito rural

Dirección de Educación Intercultural Bilingüe

1 Yachaykunawan ruraykuna - Urin Qichwa Chanka SABERES Y HACERES VI 1 - SECUNDARIA - QUECHUA CHANKA

© Ministerio de Educación
Calle Del Comercio N.º 193, San Borja
Lima, Perú
Teléfono: 615-5800
www.gob.pe/minedu

Primera edición, 2024
Tiraje: 6,078 ejemplares
Impreso en noviembre 2024

Elaboración de contenido
Rocío Loayza Huamán

Revisión lingüística
Rocío Loayza Huamán
Oscar Chávez Gonzales

Validación participativa
Pablo Antonio De la Cruz Solier
William Núñez Vargas
Josías Rodríguez Condori

Asesoría técnico-pedagógica (DEIB)
Herlis Alexi Ancco Oscoco

Diseño y diagramación
Eddy Israel Saldarriaga Vallejos

Ilustraciones
Juan Mamani Huamán
Archivo DEIB-Digeibira

Cuidado de edición
María Teresa Lavado y Fernández

Lettera Gráfica S.A.C.
Av. La Arboleda N° 431 – Ate – Lima – Perú
RUC 20507839283

Hecho el Depósito Legal en la Biblioteca Nacional del Perú N° 2024-03481

Todos los derechos reservados. Prohibida la reproducción de este libro por cualquier medio, total o parcialmente, sin permiso expreso de los editores.
Impreso en el Perú/Printed in Peru



Riqsichina



1 yachaykunawan ruraykuna sutiyuq qillqasqaqa
qampaq rurasqam tarikun. Yachaqkunapa
rimasqanta uyarispam kawsayniykimanta
llaqtaykimanta yachanki.

Kay ñawpa qillqasqam allpamanta, ayllumanta,
kumunmanta hinaspa Qichwa llaqtakunapa
kawsayninmanta willasunki.

Allpaqa, apunchikkunawan kuska, huk
kawsaykunawan kuska hawka maypi
kawsasqanchikmi. Chay allpapim Qichwa llaqta
kawsayta uywan, rimanakun, wiñan, hinaspa
kuyakuyninta wiñachin. Kaynam ayllukuna,
sapsikuna wiñan, hinaspm kikinkupura
rimanakustin purinku. Llaqtakunaqa, runakunapa
allinqinipi, imayna runapura llaqtan wiñananpaq
allichakusqankupi, imayna imapas mirachiypi
hapiipakuspankum purinku.

Kawsaypura Iskay Simi Yachana (Kisy) llamkana
wasim qillqasqa maytukunata churamusunki.
Ñawinchay yachanaykitam, qillqasqa maytukuna
munanaykita maskaspam imaymana maytukunata
haywasunki.



Yachaqkuna

Pomacanchari Yucra, Paulino

Quichua Canchari, Nilda

Cuba Quispe, Feliciano

Quispe Haulis, Hipolito

Quispe Urbano, Julianita


Común Quispe, Máximo

Marcañaupa Lima, Teodoro

Cuellar Llaqtahuaman, Cipiriana

Quichca Huayllani, Segundina

Riqsikuy



Kay rurayqa yachaqkunapa willakuynintam
chaninchachkan, imaynam rimamusqanta imaynam
Pacha Mamapi yachaykunata qawarisqankutapas.
Chaymi kuyakuywan llaqtankupa munayninpi
llamkasqankuta riqsikullaniku.

La presente obra recoge el testimonio de los sabios y sabias, respetando sus formas de expresión oral y su visión respecto a los saberes consultados. A quienes se les agradece por su entrega y compromiso con su pueblo y su cultura.



Allpa, Kumun kawsay

1 Taqa

Allpanchik

10



Allpa	10
Mama Pacha	11
Apukuna	13
Yakunku	20
Hampi qurakuna	22
Ñawpa allpakunawan kunan allpa	26
Kawsaykunawan hawka kawsananpaq rimanakuy	29
Tukupaynin	31

2 Taqa

Tiqsimuyunchik

34

{Imaynatataq Chanka ayllumanta paqarimuq llaqtachakuna hawka kawsakunanpaq hinaspa kamachiqninkunata akllanankupaq allichakunku?}	34
{Imaynataq llaqtahina allichakunku?}	35
Kamachikuqkunapa rurayninkuna	36
Willakuy	38
Pachankuna	43
Llaqtakunapa rayminkuna	45
Llaqtakunapa takinkuna	47
Llaqtakunapa sutin rikurimusqanmanta	47
Ayllukuna llaqtakuna rurasqanku	50



Allpa, Kumun kawsay

3 Taqa

Kaynatam allichakunchik

58

Munachikuy	58
Sapsikunapi, kumun llaqtachakunapi llamkay	59
Ayllupura allichakusqanku	64
Ayllu llaqtakunapi mirachina llamkanakuna	68
Ayllukunapa qullanankuna	70
Suyukunapi llamkaq huñukuna	73
Anti warmikunapa kallpachakuynin: Suyukunapi allichakusqan	75
Hawa suyukunapi huñunakuykuna	77
Hawa llaqtakunawan rimanakuy	78

4 Taqa

80

Ñawpa kawsayninchik

Chanka Ayllupa kawsaynin	82
Pikunataq karqanku	82
Maypitaq Chanka ayllu paqarirqan	83
Ima llaqtakunataq Chanka aylluta ñawparqan	86
Chanka llaqta huk llaqtallachu karqan	89
Ima rikchaq allpakunapitaq wasichakurqanku	92
May suyukunapitaq sapichakurqanku	93
Chankakunawan inkakuna awqanakusqan	94
Chankakunawa inkakuna maqanakusqankumanta qatipay	97
Apukunapi, taytachapi iñiywan kallpa	98

1 Taqa

Allpanchik

Allpa (Chakra, yaku, sachakuna, purun)

Munachikuy

Ispañul runa Iwrupa llaqtamanta allpanchikman yaykumusqankumanta pacham Tawantin Suyu allpapi kawsakuq runakunapaq ancha ancha llaki rikurirqamurqan. Hawa llaqtayuq (Ispaña runaqa) Tawantin Suyupi yachaq runakunataqa uywatahinam qawarqanchik, imatapashinam qawarqanchik. Chaymi, llaqta masinchikunataqa wasinmanta allpanta wischupurqanku, hinaspm paykuna hapikuykuqku. Waranqa waranqanpim Aymara, Qichwa, Pukina runakuna qarqusqa karqanku. Kaynaspankum Ispaña runakunaqa allpasapa rikurirqurqanku. Kaypi allpayuqñataq mana imayuq qiparqunku.



1. Mama Pacha

Meregilda Ramos Romerupa willakuynin

Mama Meregilda Ramos Romeruqa 68 watayuqmi, Palta Machay sapsipim, Yauli llaqtapim yachan. Paymi Mama Pachamanta willawasunchik.

“Ñuqaykuqa Mama Pachataqa ancha anchatam manchakuniku. Sapa watan taytachapa munayninwanmi papata, hawasta, siwarata tarpunku. Aswanmi ayllukunaqa allin rurukuna lluqsinanpaq allpankutaqa anqusunku. Wakin ayllukunaqa misatam churanku. Chaymi, watan watan uywa raymi punchawpiqa llapa miski rurukunata apaykunku. Chayraq mikuyta hurquptinkuqa Mama Pachamanraqmi haywakuykuna. “Pay kayqaya Mama Pacha allin papata qukuwankiku, nispa”.



Donayres Muñoz, Maurum qillqasqan maytupi, Chanka runakunapaqqa ancha hatunmi tiyanan allpankunaqa kachkan. Kay allpatam Pacha Mamawan riqsinchik. Allpankupi aylluchakuspankum lliw tiyanku. Allpankupa ukunpim mayukuna, quchakuna, urqukuna, pampakuna, ichukuna ima tarikun. Nispan nin.

Hinaspapas, Pacha Kamaqmi intita, killata, mayuta, quyllurtawan kuska unancharqan. Paykunawan kuskataq wayrapas kuychipas lastapas parapas turmanyapas illapakunapas rimanakuypi kamachisqallam kanku. Paytaqmi kay pachapi kaq kawsaykunapa unanchaqnin, kikinpa ñawinpi wachasqan, uywasqan kanchik. Pay munaptinmi mikusqapas mana mikusqapas kawsayta tarinchik. Qawasqaymanhinaqa, Mama Pachaqa allpa mamanchikmi.

Runakunatam paqarichimusqa, kawsayniyuqmi, chaymi ñuqayku pay ninayku. Ñawpa runakunaqa allin kananchikpaqmi hamutasqaku. Kawsayninchikpiqa kaykunatam tarinchik: tayta/mama, awichu/awicha, qari/warmi, killa/inti, urqu/china. Pachapiqa ima niraq kawsaykunam kanchik. Pachapi, allpapi, chakrapi llapa ima tarikuqmi kawsayniyuq kanku.

Chanka suyupi allpakunapa sutin

Pampas, Chicha, Chumpaw imam mayukunapa sutin. Quchankunapañataqmi Pauchqa, Chuqlu Qucha, Champa Qucha, Puma Qucha. Apukunapañataqmi Qarwa Rasu, Sara Sara, Mallwaka, Rasu Willka, Qanchi.

Kancha: Kaypim runakuna uywankunata uywanku.

Chakra: Lliw runakunapa kawsaykuna tarpunanku. Kaytam tupu tupupi rakinakuspanku runakuna llamkanku.

Marka: Lliw runakunapa tiyanan allpa.

Suyu: Hatun allpa iskay kimsa tawapi rakikusqan allpam.

Pacha: Achka niyniyuqmi kay simiqa. Allpapas kanmanmi, unaypas kanmanmi, aytinapas kanmanmi.

2. Apukuna

William Espinoza Torrispa willakuynin

Tayta Wiliam Espinoza Torrisqa 72 watayuqmi, Taqsana ayllupi, Anta Waylla llaqtapim yachan. Paymi, apukunapa kawsayninmanta willariwasunchik.



Llaqtaypa allpanqa hatun hatunmi, 3 kuchu hinaraqmi sayaynин. Chaynallayá allpataqa urqunkuna rakin. Llaqtaypiqa Mama Pachaman haywakunkum, kunankamapas hinallam apukunata mañarikuspa allinta haywakuchkanku. Llaqtaypiqa kay apukunam kan: Apu Chukchuraw, Apu Waman Pichku, Apu Harkunay, Apu Pahunal. Ñuqaykuqa Apu Wamanpim ancha anchata iñiniku. Llaqtayqa Qichwa llaqtam.

Mama Juana Lucas Quiñunispa willakuynin

Mama Juana Lucas Quiñunisqa 75 watayuqñam, Chukus, Anta Waylla llaqtapim kawsakun. Paymi llaqtanpi apukunamanta willawasunchik.



Llaqtaypi urqukunapa sutinqa kaykunam: Matara urqu, Tapuna qasa, Apachita urqu, Challwa Mayu. Mayukunapa sutinñataqmí Tinkuq mayu, Yana Munti, Chaka Mayu, Qarapa Mayu, Qali Kantu, Tutun Wari, Aqu Wayqu. Urqukunawanqa manam asikunchikmanchu, paykunaqa kawsayniyuqmi. Qaqamanta millayta rimaptiykiqa yawarta aqtustinmi wañurquwaq. Chaynarqusuptiykiqa allinllamanta mañakuspam urqutaqa haywakunaykipunim. Mama Pachapin yachanchik, paymantam mikunchik, paypa hawanpim kawsanchik, wañukuspapas payllamantaqmí kutiykuchkanchik, nispam willawanchik.

Mama Lichi Lapa Qispipa willakuynin

Lichi Lapa Qispiqa, 68 watayuqñam. Tinkir Qasa llaqtayuqmi, kunanmi, apukunapa imayna kawsayninkunamanta willariwasun.

Apukunapim iñirqaniku. Uywaykuta michispa, allin wiñananpaq misakunata urqukunaman aparqaniku. Misakunata apaspa hawkallam kawsarqaniku, sapa watam mana yarqaymanta kananpaq churaniku, chay misaqa apunchikpam, manamá pipas yanqapas yanqa tiyachkanmanchu chaypi, aswan manaña yuyariptinchik pitapas mikurqunman.

Maurelia Fernandez Kusipa willakuynin

Mama Maurelia fernandez Kusipa 70 watayuqñam, Anta Waylla llaqtapim kawsan. Paypas llaqtanpi apukunawan imayna yachasqankumanta willawasunchik.



Yana Urqu, Willkachayuq Urqu, Rusniyuq Urqu, Quri Willka Urqu imam llaqtaypa apunkuna. Paykunapa chakinpi kawsaniku, wakinmi piña wakinmi hawka. Yuyaptinchikqa Tayta Apukunaqa allintam uywawanchik, paywanmi maymanpas lluqsini. Mama quchatapas mana chakinanpaq mañakunim.

Nestur Willka Wamanpa willakuynin

Paymi tayta Nestur Willka Waman 68 watayuqmi, Santa Ana llaqtayuqmi. Killata intita runakuna manchakusqanmanta willariwasunchik.



Taytaymi willawarqan, ñawpa watakunapiqa intiwan killam taytachanchik karqan. Manchakuyimi karqan. Kay kawsayninchikpi ima chiqninakuyapas rikurimuptinqa, ñawpa hatun mama taytakunaqa kaynatas rimaqku: Imachá riki kunanqa kanqa. Mama Killawan Tayta Intim piñakunqa. Amayá nispas qunqurikuspa mañakuqku. Tayta Inti Mama Killaqha runakuna rurasqankuta qawaspas yawarta waqaqku. Chaynatam willawarqan, kunanqa manañamá manchakunikuchu aswan Katulikuña kanchik.

Ruben Tutaya Warkayapa willakuyinin

Tayta Ruben Tutaya Warkayaqa 70 watayuqmi, Putaqa, Akustampu llaqtayuqmi. Paymi llaqtanpi apukuna kasqanmanta willariwasunchik.



Llaqtaypiqa sapa watam Mama Pachata, uywakunata ahustu killapi raymikuniku. Chaypiqa Mama Pachaman paquta, sara kutata, sara surata, waytata, miski rurukunata, aqata, tantachakunata, winuta, kiwichata, kinwata, llampunta haywaniku. Uywaykuta allinta mirachinanpaq kaykunata quniku. Mikuya ruranku, tusunku, waqaychulukunata upyanku. Wakin ayllukunaqa chay raymitaqa hulyu killapim ruraniku. Wakin ayllukuna qiparquspankuqa ahustu killapim rayminku. Ahustu killapiqa, Mama Pachaqa kichasqam kachkan. Kay pachapiqa manas mana riqsisqa allpakunapiqa quchparayanachu, pacham mikurqusunkiman.



Garcilazo willakusqanmanhinaqa, Chanka runakunaqa achka apuyuqsi karqanku. Ancha anchatas Usqu Willka runata apupas kanmanhina kuyasqaku, hatun kamachikuq runas kasqa. Paysi ayllunkunata allin allpaman apasqa.

Chanka kawsaypiqa 3 runas Chuqllu Qucha quchamanta (Wanka Willka) lluqsisqa. Paykunas 3 suyupi rakinakusqaku. Kurakunapas kallpasapa runas apuhina kasqa. Chaymantas nisyuta manchakuqku. Wañurquptinpas ayantas sapa kuti tusupayastin raymiqku. Liyunkunapas apuhinas karqan, chaynas unay wata kawsakurqanku inkakunawan manaraq awqanakuyman yaykuchkaspa.

Hinallataq kikin Garcilazo nin, Chanka runakuna ñam inka runakunawan awqanakuyman yaykusqaku, chayna kachkaptinpas hinallas achka apuyuq kasqaku. Inkakunaqa tayta Intita sapa wata raymiqku. Mama killatapas Mama Quyllurtapas Mama Pachatapas nisyutaq raymiqku. Paykunas apukunawan rimanakusqankuta willapakusqaku.

Inkakunapas apuyuqkunam karqanku, tayta Wira Qucha runam karqan hatun apun, paysi runakunata, yakuta, punchawta paqarichisqa. Kay kawsaypas tukuqlam kasqa, chaymi sallqa ayllukunapas chay yachayllata qatinku. Kawsayninkunta huqarispa kawsachinku.

Musyasqaymanhinaqa, Chanka runakunaqa aswanyá Liyunkunata raymiqku, yachayninkumanhinaqa nisqaku, hawkalla ñuqanchikpura kawsasun.

Anqu Wayllu runam imamantapas harkawachkanchik. Manayá kay aylluqa inkakunahina hamutakusqakuchu, chaymi mayman rispankupas liyunta hanayman aysaqku. Paypim hapipakuqku, paypim llumpayta iñisqaku.

Tayta Ménciasmi maytunpi “Allpamanta hamunchik allpaman kutiykusun”, nispa nin. Apukunaqa riqsisqam, taytachahinam, paykunaqa kawsayniyuqmi. Sallqa runakunaqa apu sutiwanmi riqsiniku. Apukunaqa ayllukunapaqqqa taytachahinam karqanku.

Apuqa Mama pachawan kuskallan kanku. Apukunaqa kallpayuqmi, kunankamapas kawsayniyuqmi. Ñawpa Chanka runakunaqa wakakunataqa anchatam manchakurqanku. Apukunaqa runakunapa, uywakunapa, tarpuykunapa kawsaynintam qawaq.

Musyasqaymanhinaqa Inka runakunapa kawsayniniqa Apuqa karqanñam, chaymi paykunaqa qaqakunaman paqukunata, misakunata churapurqanku. Sura aqata, kukata imam apaqku. Runakuna willakusqanmanhinaqa hatun llaki kaptinqa runatapas apaykuqkus. Mana allin tarpuy, mana ancha inti kaptin, mana ancha para kaptin runatas haywakuqku.



3. Yakunku

Rugelyo Ñawi Ruyrupa willakuynin

Tayta Rugelyo Ñawi Ruyruqa 76 watayuqñam, Puka Pampa, Yawli llaqtayuqmi. Paymi yakuwan imayna kawsasqankumanta willawasunchik.

Kay llaqtayipi parapa yakunwanmi ima mikuytapas tarpuniku. Wakin mikuykunataqa huñusqa yakullawanmi tarpuniku, wakintaqa yaku parawan. Kay llaqtayipiqa achkam yaku, chaywanmi tarpuniku. Ñawpaq watakunaqa mana paraptin paqukunata apukunaman haywaspaykum tarpurqaniku. Hatun mama taytaykunaqa chaynatas yaku rikurimunanpaq haywakuqku. Kunankamas chaynataraqmi aylluypiqa rurachkaniku.



Chikchimanta (Willakuy)

Tayta chikchiqa yakupa taytansi, kay aylluqa achka yachayniyuqmi, piñarikuchunhinalla mana sayaytam parakunman. Paraptinqa yakum rikurimun. Kawsayninchikpiqa yakuqa runakuna achkayanapaqmi, mana yaku kaptinqa, pipas maypas kawsanmanchu, yakuwanmi kawsaykuna Mama Pachapi wiñan. Kawsayninchikpiqa yaku aylluqa 3 allpapim yachan, kayna: Chikchi, hanay pachapi, puyukunapi yachan. Paraqa, kay pachapi kawsan. Mayukunapi, quchakunapim tarikun. Yakuqa, uku pachapi kawsan. Yakuqa quchakunapi, mayukunapim tarikun. Yakuqa Mama Pachapa ñawinmantam lluqsin. Chayqa manam yakutaqa yanqapas turyanachu. Yanqa, yanqaqa usuchinachu, kaynaptinchikqa chinkarqunmi. Yakupas piñakunmi.

Ama qunqankichu, tayta chikchiqa yakumanmi sutinta churarqan, chaysi rikurimun karu karu llaqtakunapi, sasa chayanata.

Tayta chikchiqa runahinas, payqa sasachakuykuna kaptillansi hamun. Llaqtakunapi sulluq warmikunatas piñasqa qawan. Qari warmi tinkanakuptinku, manukuykuna kaptin, qipachaqkunapa kaptinmi chikchiqa rikurimun. Chaymi may llaqtapi chikchi wichimuptinga chaypim sasachakuy kan. Chaysi runakunaqa chikchita manchakuspanku allin kawsayta munanku.

Tayta chikchitaqa runatahinam rimapayanchik, chaypi ninkiman: amaraq hamuychu. Payqa mana ñanniyuq runam, payqa manam purinchu maynintapas purinsi. Runakunas mana chayamunanpaq harkakunku, waqaychuluta mullmuspankus pukunku, wakinqa yana pachawansi churakurqunku, chaysi chikchiqa manchakun.



4. Hampi qurakuna

Rayda Kuti Aurispa willakuynin

Mama Rayda Kuti Aurisqa 70 watayuqmi, Anchunqa, Anqara llaqtapim tiyan. Paymi kunan Qura hampikunamanta willariwasunchik.



Kay llaqtaypiqa ancha qurakunam kan, chayllawanmi ima unquykunatapas hampikuniku. Nisyuchata ima nanay hapiwaptinkuqa, chayraqmi hampina wasiman riniku. Kunankamaqa ñuqallaykum wiksayuq warmikunata wachachiniku, wakillanmi rin hampina wasiman. Chullimantaqa, wiksa nanaymantaqa, uma nanaymantaqa, qichamantaqa kay llaqtallaypim hampikuniku. Yukaliptuwan, anquyripawan, matikuwan, pacha salwiyawan, paltapa rurunwan, mansanillawan, qirawan, llama wasawanmi hampikuniku. Kunan ayllukunaqa aswan hampina wasiman rinku waknaña wallpahinaña hampikunataqa upyanku. Ñuqaqa hampina wasiman riyta manchakullani. Kayllapim, qurakunallawan hampikuspay wañukusaqpas.

Viviana Anku Guzmanpa willakuynin

Mama Viviana Anku Guzmanqa 75 watayuqmi. Anchunqa, Anqara llaqtapim yachan. Paymi llaqtanpi hampi qurakunamanta rimapayawasunchik.



Llaqtapiqa manañam hampi qurakunataqa upyankuchu, ñawpa runakunaqa qurakunawan hampikustin allintam kawsarqanku. Uywankutapas qurakunallawan hampiquestu, ñuqaqa wakaya punkipakuy hapiroquptinqa rumi kachiwan, hawunwan wiksanta mayllayani, chaymanta rumiwan takapani, chaynalla allinyarqun. Wiksay nanaptinqa, wawapa ispayninta upyarquni; chayllapaqmi kaniku.

Toribia Matamoros Huarcayapa willakuynin

Mama Toribia Matamoros Warkayaqa 70 watayuqñam, Wanka Willka llaqtapim yachan. Hampi qurakunamantam willariwasunchik.



Llaqtaypi runakunaqa hampi qurakunataqa riqsinkuñam. Hampiq qurakunaqa achka runakunatañam hampichkan. Kunan qipa wiñaqkunaqa manamá riqsinkuñachu, maman, taytan manañam rimapayankuchu. Qurakunata upyasqaqa manamá chayllaqa allinyachinchu, punchawkuna hamuptinñam allinyanki. Rantisqa hampikunaqa aswan chayllam hampikun, chayta qawaspam ayllukuna anchata rantinku. Qatukunapiqa hampikunaqa kachkanñam, mana qullqi kaptinqa, purunkunapim hampi qurakuna kan.

Ñawpa Chanka runakunas, hampiq qurakunallawansi hampikuqku, inkakunapas hinallas aswan paykunapa achka achkas hampi qurakunamanta yachayninqa. Manamá ñuqanchikhinaqa unquqkuchu.

Claudio Galenus, Maytunpi nisqanmanhinaqa Inkakuna kawsasqan pachapiqa runakunaqa hampi qurakunamanta anchatas rimarqanku, anchatas willanakurqanku. Rumikunapis qura hampikuna llimpisqa kasqa. Egiptu llaqtapipas chayllaraqsi hampiq qurakuna rikurimusqa, pawqarkunapipas rikurimusqa, chaynallamá hampiq qurakunamantaqa wakin llaqtakunaqa niyamunku. China llaqtapiñataqsi hampina wasiña rikurimusqa.

‘Ceprosi’, sutiyuq huñu nisqanmanhinaqa ayllukunas qurakunata riqsinan, ima unquy hapiptinpas chayllawan hampinakunankupaq. Imayna kawsayninchikta qawananchikpaqmi ñawpa runakuna llapa yachayninkunata riqsichiwarqanchik. Chaynallataqmi ima killakunapi parawan usya qallaykusqantapas yachachiwarqanchik.



Qawasqaymanhinaqa, ima qurapas upyanapaqqa allinmi. Hampi qurakunaqa ima allpapipas wiñanmi, chiri urqukunapi, quñi wayqukunapi, chaki, uqu allpakunapi. Wakin qurakunataqa manam timpuchinachu, timpusqa yakullamanmi winaykuna, huk rikchaq qurakunataqa timpuchinam, wakintaqa kutana hinaspasqa timpuchina. Kay rikchaq yachaykunataqa ñawpa runakunam yachachiwarqanchik.

5. Ñawpa allpакunawan kunan allpa

Silbia Yupanki Chanka Sananpapa willakuynin

Mama Silvia Yupanki Chanka Sananpaqa 74 watayuqmi, Awanqay llaqtayuqmi. Paymi imayna allpanku kasqanmanta willariwasunchik.



Kay llaqtaya allpanqa hatunmi karqan. Winchuswanmi qipachakuniku. Quchaykutapas qichuchikuniku. Winchus runakunam riki kay ñuqanchikpa ukumantaña wachwa quchanchiktapas qichuwarqanchik. Aswanmi mana munarqanikuchu. Huk runam kay llaqtapi Monte Yawris sutiyuq karqan, paymi aswan allinta nanachikamuwaqku, sasachakuykunatapas apayku munayllam. Anka Wachanamatam Winchus qichuwanku.

Ñuqanchikpa qichqallamantañamn allpayku. Ñawpaq allpakunaqa Anka Wachanamatam karqan. Kunan allpanchikqa Qichqallamantañam, Yana quchakamallañam qawakun. Kunanqa qipa kamachikuqkunaqa Anka Wachana llaqtata qichurqachikunkuñam. Champa Quchamanta Paqchiray mayunchikmantam kachkan. Kay allpakunata qichuchikurqanku mana allin kamachikuqkuna kaptinmi. Huk lluqsiq huk yaykuq chaymi mana allinchu karqan.

Karina Salwatierra Kichkapa willakuynin

Mama Karina Salwatierra Kichkaqa 75 watayuqmi, Awanqay llaqtayuqmi. Paymi imayna allpan kasqanmanta willariwasunchik.



Kunan allpakunamanqa ancha rurasqa wanutam winarqunku, chaymi allpaqa manaña allintañachu rurun. Runaqa manañam allin sunquyuqchu kanku. Qupatapas allpaman wischunku, chakra chawpinta purinku. Qawachkanku kawsay kasqanta hinam sarustin sarustin purinku. Huk llaqtaman ripukuptiykiqa allpaykikunata apakunku. Kayraykum sasachakuykunaman chayanku. Kunanqa kay llaqtaypi manañam allpaqa kanchu, lliwtam rantikurqunku.

Silverio Soca Tuñupa willakuynin

Silverio Soca Tuñuqa 76 watayuqmi, Wanka Willka llaqtayuqmi. Paymi imayna allpanku kasqanmanta willariwasunchik. Hatun kamachiqmanmi allpaymanta aswan qullqita quni. Allinllamantam allpaykuta qawaniku, chaypim lliw ayllukuna yachaniku. Ñawpa hatun mama taytakuna saqisqankum ñawpa wasikuna kachkan, asinra wasikuna, ñawpa chakakuna ima. Aswanmi kunan runakunaqa

Iliwta tuñirqunku.

Huk musuq wasikunatam
rurarqunku. Manañam
harawinkuchu. Tutapas
punchawpas qatarqunku, chaypim
tukun.

Kaymanta Garcilazo
kaynatataqmi nin, Chanka
ayllukunapaqa hatunsi llaqtan
kasqa, chaysi Wanka Willkapi,
Anta Wayllapi, Aya Kuchupi,
Awanqay llaqtapi kachkan.
Pampas mayus kay llaqtakunata
muyurichkan. Chuqlu
Quchamantaraqsi paqarimun,
chaysi Apu Rimaq mayukama
chayamun. Sapa llaqtapam huk
kamachikuq runa kasqa, allpansi
tukuy hanay urqukunaman
chayasqa. Chankakunapa
llamkayninkunas Aya Kuchu
llaqtapi kasqa. Chaynallataqsi
Anta Waylla llaqtapiqa ancha llampu llampu rumi kasqa. Paykunapaqqa
achkachá kamachikuq runakuna karqan, huk hukraqcha riki karqan.
Llamkayninkuqa hukllam karqan.

Qawasqaymanhinaqa, allpakunaqa llapa ayllukunapam kan, aswan
kamachikuq runakunaqa ancha allpata apakurqanku, churinkunaman
wawankunaman qurqanku, willkankunapaq aparqanku, wakintaqa mana
riqsisqa runakunaman rantikurqanku, chaysi kunanqa manaña llamkankuchu
llaqtapaq, llaqta mana kuyasqanrayku. Kamachiq kayninmantapunim
manaña munakunkuchu.



6. Kawsaykunawan hawka kawsanapaq rimanakuy

Javier Qura Mallkipa willakuynin

Tayta Javier Qura Mallkiqa 67 watayuqmi, Chuqlu Qucha, Wanka Willka llaqtayuqmi. Imayna ayakunawan runa kawsasqanmanta willawasunchik.



Ñuqaykuqa yachaniku apukunawan, qurakunawan, Pacha Mamawan, uywakunawan, maki makillamanta ama kacharikuspalla, mana paykunawanqa mana kawsayniyku kanmanchu, aswanqa apukunataqa Pacha Mamata ima mañakuni kawsayta tarpukunaypaq. kawsaykuya tarpunaypaq.

Tayta Laurencio Uchuraqay Hunaquipa willakuynin

Tayta Laurencio Uchuraqay Huanqui 66 watayuqmi, Qunchu Pata, Wanka Willka llaqtayuqmi, paymi, imaynas runa ayakunawan kawsasqankumanta yachayta willariwasunchik.

Mamaymi kaynata willawarqan,
llaqtaypiqa aya aylluykunawanqa
watantinmi kuska puriniku.
Wañkusqan punchawmantam
paykunaqa hanay pachamanta
qawamuwanchik, hinaspas
musquyninchikpi imamantapas
willawanchik. Ñuqa mamaya
musqukuptiyqa allinmi punchawpi
kani, aya wasimanpas sira ratachiqpas
waytakuna apakusqa rinikum:
Chaypim kawsaqwanhinaraq
rimapayaniku. Huk killanpiqa ancha
munasqan takiwanmi yuyariniku.
Achikyaq punchawpis ayankuna
takistin takistin hamuchkasqa.



Kaynatam hatun mamay willawarqan. Payñataq ayakunata qawaspam
manchariykurqusqa, allintachu manachu qawachkani nisqa. Watantiraqmi kay
allpapi kasaqku, nispa.

Tibila Wayra Mendosapa willakuynin

Mama Tibila Wayra Mendozaqa 72 watayuqmi, Wakchalla, Anqara, Wanka
Willka llaqtayuqmi. Imayna Mama Pachawan apukuna, kawsasqankumanta
willariwasunchik.

Kaynatam nin, manam ñawpaqhinañachu Mama Pachapi apukunapi iñiyku,
kunanqa ñuqaykuqa iñiyku taytachallapiñam. Taytanchikmi unanchawanchik,
paymi mikuchiwanchik. Manañam kunanqa runa masinchikta chiqninachu,
ñuqanchikpuram, kayna wakna nisparaq chiqninakunchik riki. Mama Pachawan
taytanchikmi aswan kawsachiwanchik. Runapuraqa sipinakuymanña
chayarqunchikman karqan. Paykunam tuta punchaw mikuchiwanchik,
purichiwanchik, puñuchiwanchik.



7. Tukupaynин

¿Kunanqa, imaynatataq runa masinchikkunawan qawanakunkichik?

Kunanqa manañam minkakuypas ayninakuypas kanchu. Aswanmi ñawpa watakunaqa ayninaykuywan, minkanakuywan llamkarqaniku, haku allarqaysiway nispa wasi masiykita ninki, chayqa allaysimusunkim. Ñawpa watakunaqa wasiyku ukupim ima kawsayniykupas huntakaq, manam kunanhinachu. Kunanqa runa mirasqanmantam manaña chay watakuna hinañachu.



¿Qammanta, qipa wiñaykuna imaynataq kanqa?

Minkanakuy, ayninakuy mañanam kanchu, chinkanqañam. Kunan yachay wasiman riqkunaqa manañam yanapakunkuchu. Ñawpa yachakuqkunaqa aswan manam yachay wasiman chayaqkuchu, paykunaqa yanapakuqkum. Kunanqa aswan ayllukunapi chiqninakuykunallañam kan.

José María Arguedas qillqasqan maytupim kay rimayta tarini: runakunaqa killawan, pachawan, apuwan, chaynallataqmí runapura masinchikwan rimanakusqanchik.

Axel Niel sinñataqmí sallqa kawsayninchikpiqa, kawsaykunaqa kawsayniyuqmi, nispa nin.

Hanay tiqsi muyupi: kaypis inti, killa, quyllur, chaykunas kachkan, allinllamanta qawanas chay quyllurkuna kasqa.



Kay pacha: tiqsi muyukunam. Kaypiqa aswan runakunam yachanchik.

Uku pacha: kaypis Mama Pachawan ñawpa wañuqkunawan rimanakunku. Kay pachapiqa wañuqkunapas tullunkunas kachkan.

Ñuqa hamutasqaymanhinaqa, ñawpa runakunaqa aya runakunata qawasqaku, chaysi paykunaqa hukchallata manchakuqku, ima sasachakuypas kaptinsi, mañakuqku, musquyninpipas qawaqkus, rikchariptinsi rimapayaqku, mana chayqa velachata ayapa sutinkupi ratachiqku.

Tiqsimuyunchik

**¿Imaynatataq Chanka ayllumanta paqarimuq
llaqtachakuna hawka kawsakunankupaq
kamachiqinkunata akllanankupaq allichakunku?**

Munachina

Sacha Piti sutiyuq llaqtapi umalliq runakunaqa ayllukunapa chakrankuna, uywankuna, ruranankuna ñawpaqman allin puririnantam maskanku. Paykunaqa huk umahinallam kanku. Kayna sumaq sunquyuq umalliqkuna llamkachkaptinpas tayta Kichkapa aylluntaqa manam imapas hukunchu, chaymi llamkaykuna kaptinqa paykunaqa asurikunku. “Pitaq chay llamkaykunaman richkanman, huk rurayniykunam kachkan”, nispam rimapakunku. Tarpunapaq allpa aypunakuy punchawpim ichaqa ñawpaqpiraq sayanku. Kay rurasqan allinchu icha manachu, ¿Ima niwaqtaq?



1. ¿Imaynataq llaqtahina allichakunku?

Willakuy

Florian Florispa willakuyin

Tayta Florian Flores Enrikisqa 66 watayuqmi, Qullqa Pampapim yachan, paymi, llaqtanpi ayllukuna imayna yachasqankumanta willariwasunchik.

Chanka suyupiqa, achka uchuy llaqtakunam tarikun. Llapankum, huk kamachikuyuqkama kaspapas, chay niraqla kawsakunku. Apu Rimaqpipas, Aya Kuchupipas, Wanka Willkapipas llamkasqankuqa kawsakuyninkuqa hina kaqllam. Kay suyukunapiqa lliw runakunam imaymana rurayta yachanku. Kanmi hampiq, awaq, munti uywakuna hapiq, tarpuq, awaqkuna ima.

Pedro Roel Mendizábal - Marleni Martínez Vivanco runakunam “Etnicidad y cultura en el Perú contemporáneo” sutiyuq qillqasqa maytuta qillqarqanku.



Kay maytunpim huñunakuymanta qillqasqa kachkan, chaypim nin, ima huñunakuypipas llamkaykunawan, yuyaywan, allintam llaqtanta puririchin.

¿Imataq huñunakuy? Huñunakuypiqa llaqta runakunata akllanchik, paykunas ñawpaqman llaqtata apan. Huk umallas kanku, chaysi ima ruraykunapipas llaqtankurayku llamkanku, hinaspa llamkasqankuwan llaqtankuta ima sasachakuymantapas harkanku.

Kay huñunakuypiqa 50% qaris kanman, warmipas 50 %, chaypis musu qarikunata, sipas warmikunata tarinchik. Paykunas yachayninkuta riqsichinku mana chayqa ayllu runakunawan kuska qispichinku. Kay huñunakuuya achka rurayniyuqmi. Ima sasachakuypipas kananmi, kamachikuq kanankama. Llaqta runakuna allin kawsananpaqqa, ima sasachakuy kaptinpas, kamachikuqkunaqa makitam qun.

2. Kamachikuqkunapa rurayninkuna

Willakuy

Tayta Pawlinu Iliwtiryum llaqta umalliqkunamanta kaynata willakun. Ñawpa watakunapiqa kay rikchaq umalliqkunam llaqtaypiqa karqanku.



Warayuq

Ñawpa watakunapiqa, Waranway llaqtapim warayuq sutiyuq kamachikuqkuna karqanku. Chunta kaspimanta rurasqa warata apasqakuraykum kay sutiwan sutichakurqanku. Hinaspapas asuti wallqayuqmi puriqli.

Wara

Waraqa chunta kullumantam rurana karqan, qullqichamanta yuraq chakatanayuqta. Wallqakunanpaq hatun asuti kanan.

Wara hapichi

Llaqta umalliq qarimanqa iniru killapim warataqa hapichiqku. Kaypaqmi pitapas maskaqku “llaqtapi sirwikuy, qamqa llumpayñam pastu millwachilla kanki” nispa kamachikuq runata maskaqku.

Musuq wata qallaykuq punchawpim warayuqta hapirochiptinkum, wasin wasin wakin kuskachaq runa masinkunawan watukuqku “bendito alabado” nispa wasiyuqñataqmi “purísimo alabado” nispa chaskiqku. Chaymantam tusuqkunata pusamuspanku tusuchiqku.



Warayuqkunam wasita qawaqku. Wasipa punkunpiñataqmi pachachisqa chakata kanan. Sumaq pichasqa wasi, mayllasqam latukunapas mankakunapas kanan mana chayna kaptinqa warmakunatam qunquraykachispan asutiq.

3. Willakuy

Tayta Silistinu Taypiqa 70 watayuqmi. Sacha Kutu – Surku Pampa llaqtapim yachan. Paymi llaqtanpi imayna umalliq kanapaq rurasqankumanta willawasunchik.



Kaynatam nin: Wiskalitu kaywanmi qallaykunki, chaymantam alwasilman tikranayki, hinaspañam 17 watata suyaspa hatun kamachikuy chaskinaykipas manapas yachakun, chaytam “dirichu” nispa sutichanku. Hatun umalliqmantaqa ‘awturman’ tikranku, chaywanmi tukun.

Warayuqkunam minkakunata llamkaykunata umalliqku, ñankunatapas yarqakunatapas llaqtapi runakunawan kuskam allichaqku; warayuqpa warminñataqmí llamkaqkunapaq mikuyta yanukuq. Sacha kulisniyuq, chita aychayuq, papayuq imam miski saqtata yanuq.

Ñawpaqtaqa tinyawan pumpuwanmi llamkayta ruraqku, kayna kinraychanmanmi pituchata waqachiqku. Llamkayman mana hamuqkunaqa llamkaypi mana yanapakuqkunaqa multachikuqkum, qullqipim kutichiqku. Chaskisqanku qullqipa llaqtapa qullqinmanmi yapakuq.



Qipa warayuqkuna

Huk llaqtakunapiqa warayuqkuna kachkanraqmi. Ranchapi, Suquspi, Winchuspi hinallaraqmi kay rikchaq umalliqkuna kachkan. Lliw llaqtakunapim ñawpa watakunapi karqan, kunanqa manañam kanñachu.

Ñawpa watakunaqa kikillankumantam qichunakuypi yaykuq kanku. Chaymi llamkasqankumanhina hapiqku. Kunanqa akllanakuspañam warayuqtaqa llaqta churan.

Qispi Llaqta ayllupiqa umalliqninkutaqa musuq wata qallariynin punchawpim qullana kayta chaskikuqku, chaymi watantin llaqtata kamachiqku. Qullana

kaspankuqa allin runa kaytam maskanku. Llaqtapaq llamkasqankumanhina qullana kayta chaskiqku. Warmapas maqtapas machu runakunapas umalliqman chayanmankum.

Llaqtapa munayninmi wara apayqa, chay rurayqa qipa pachakunamantaraqmi. Ima huñunakuy kaptinpas, allichastin allichastinmi Warayuqkunaqa sayan. Paykunawanqa ima sikunkuypas maqanakuypas kaqchu.

Ima maqanakuypas rikurimuptinqa wasanpi asuti apasqanwanmi chinkachiq. Chaynallataqmi tutayaykuptinqa wiqawninpi akchita apasqankuwanmi purinankupaq akchikuqku. Kay llaqtapiqa warmapas maqtapas machupas warayuqhina llaqta qawananaqa chaskinmanmi.

Kaynatam tayta Silistinu rimapaykuwanchik. Pedro Roel Mendizábal - Marleni Martínez Vivanco warmi qarim “Etnicidad y cultura en el Perú contemporáneo” sutiyuq maytuta qillqarqanku. Kaypim nichkan, Sapa llaqtapas kamachiyinkuqa kan, kamachikuq kananpaqqa, llaqtanmanta akllasqa lluqsinku.

Llaqta wasi kamachikuq (Hatun kamachikuq, 5 rihirurkuna, huk tininti hinaspas huk qullana), Michuq (Juez de paz), Litratu, warayuq, munisipal ahinti, tukuy rikuq (Inspiktur). Wakin kamachikuqkunapa llamkayninkuqa kaqlañas, chaysi allinta uyarispa chaskinku.

Wanka Willka, Apu Rimaq, Aya Kuchu ayllu llaqtakunapim ayllukunaqa huñunakunku, chaypim mana llumpay niraqta llamkanku, chaymanhina llaqta runakunaqa ñawpa runakunapa llamkayninta qatinku.

Warayuq

Warayuq runaqa kaykunapim llamkan: llaqta runakuna imayna llamkasqantam qawan. Qatu kamachikuq rurayninkunapi llamkan, qullqi hapiqta yanapan, huñunakuyman mana hamusqankumanta qullqi mañaypi

yanapakun, hatun kamachikuq huñuptin imaymana ruraykunaman yaykun. Huñunakuykunapiqa waranmi runakunata, yanqa chalalaqkunata hawkayachin. Ima pachata huñunakuy qallarinanmantapas ayllukunata riqsichin chaynallataq huk willakuykunatapas riqsichin. Mana allin rurasqankumanta achka runakunata qaqqchan. Kaqlanpi rimastin mana allin llamkasqankurayku multa qullqi mañasqankuta qullanawan taqichin.

Ñawpaqpi sayan kamachikuq wara, paymi qilla puntayuq (ñawichayuq) kaspita hapin. Chay kaspiqa 1.30 sayayniyuqmi; chay kaspim kamachikuq kasqanta riqsichin. Waras, riqsichikun waranwan, manchachikuyhinas. Warayuqpaqa harkachiyninsi, hinallataqsi runakunapa, chacrayuqkunapa, uwiha michiqunapaqpas amachaqnin. Waras hukchallapi wasinkupiqa waranta churaykun, wasi yaykuykunallapis churaykunku. Kuychichaw punchawpis velata ratachinku, chaynallataq wara umallapi taytanchikta mañakunku. Hukpiqa kachkan asutipas, chayqa waka qaramantas rurasqa sinpasqa kachkan. Kimsa qalluchapis tukun. Kunkanman wallqakunanpaq lasupas kachkan, anillutapas makinpi achkata churakun.

Kuraq umalliq

Paysi hatun kamachiqhina llaqtata umachan. Llapa kamachikuqkunatas hawkayachin, qawapayan. Hinaspapas llamkaq masinkuna ruranankupaq qillqan, ñawinchan ima. Llamkay rapikunata llamkachin. Llamkaq masinkunawan kuska huñunakunku, hinaspam rimanakusqankumanhina imatapas llaqtapaq llamkanku. Ima ruraypipas paymi rikurin, ima sasachakuypipas kay kuraq umalliqmi yanapakun. Llaqta allin mana allin kayninqa paypa rurananmi. Chaymi, llaqtapi kaq huk kamachikuqkunawanpas huñunakuspa llaqtapaq allin kaqta purichinku.

Sullka umalliq

Kuraq umalliq mana kaptinqa, ripuptin, saqiptin, unquptin, mana chayqa wañuptinpas sullka umalliqmi paypa rurasqanta rurayta gallaykun. Sullka umalliqmi imatapas nanachikun kuraq umalliq kutimunankama.

Qillqaq

Payqa qillqan qillqana rapikunapi. Huñunakuypip llaapa ima rimasqankunatam aktapi qillqan. Llaqtapa wasinman ayllukunapas, kumun runakunapas kuraq umalliqwan huñunakuptinkuqa paymi lliw rimasqankuta qillqan. Kaynam ima rimasqankupas, riqsichisqa tarikun.

Qullqi hapiq

Payqa qullqita hapin, Kuraq umalliqwan kuska qullqita qawapayan, imayna qullqi purisqantam rapikunapi qillqan. Paymi hayka qullqi llamkana wasimanta lluqsisqanta, hayka yaykumusqanta qatipan. Paywan kuskam umalliq qullqi taqina wasimanta hurqumunpas taqimunpas. Paytaqmi pipas rimanakusqanmanhina mana ruraptinqa multata mañan hinaspa taqin.

Tukuy rikuq

Imakunapi qullqi tukusqantam payqa qawapayan. Kay tukuy rikuqmi imapas mana allin kaptinqa llamkaqkunapa rinrin chutaqhina pantayninkunata qawapayachin. Pipas mana allinta ruraptinqa michuqpa makinmanmi churan. Hinaspapas killa tukuya huñunakuyninta ruran, chawpi killapi huñunakunmankum huk kamachikuq masinkuna mañakuptinkuqa.

Rimaqkuna

Paykunaqa llamkana wasipa sutinpi imapas riqsichinanpaq rimanku. Huñunakuykunapipas paykunam ima qillqasqatapas ñawinchanku. Hinallataqmi huk kamachikuykunata chaskinku. Pipas maypas kamachikuq saqiptin, kuraq umalliq niykamuptin, paykunaqa yaykunku ima huñunakuy kaptin, kamachikuqkuna ruraptin.

Michuq

Payqa watapaqmi kamachikuya chaskikun. Paypa makinpim ima sasachakuy

allichay tarikun. Pay allin makiyuq, simiyuq, yachayniyuq kaptinqa llaqtqa hawkam kawsakun, mana chuya sunquyuq kaptinqa suwanakuy, maqanakuy chiqninakuyqa llaqtapi wampurinqam.

Sullka Qullana

Payqa Piru suyupa qullananpa sutinpim llaqtata riqsichin. Piru suyupa qullananhina llaqtapi llamkan. Paywan rimaspaqa hatun kamachikuqwanpas rimachkawaqhinam rimanki. Llaqtantam nanachikun. Sasachakuykunatam qawapayan. Kamachikuq masinkunawan kuskam llamkanku. Mana kachakukuna kaptinqa paymi nanachisunki, amachasunki. Allin mana allin runa kasqaykitam pay riqsichin.

4. Pachankuna

Wanka willkapi, Aya Kuchu, Apu Rimaq llaqtakunapiqa ancha rimaysapa runakunam maypipas qawasqalla karqan. Kay llaqtakunapiqa imayna pachakusqankuqa manam llumpay karachu, manam llumpay qullqiwanchu pachakunku. Llaqtanpihinam runakunaqa pachakunku. Wakinkuqa huk rikchaq pachawantaqmi churakuchkanku, llaqtanta kutiykuspa may pachanwanhinallam pachakun.

Rimasqankumanhinaqa, runakunaqa hina llaqta pachanwanmi pachakunku. Pachankuqa may llaqtayuq kasqankuta riqsichinmi, wakinqa huk llaqta pachamanña tikrarqunku, chaysi imayna llaqtanpi ñawpa runakuna pachakusqanmanta qunqarqunku.

4.1. Warmikunapa pachankuna

Lliklla. Hatun pachahina, Aya Kuchu, Apu Rimaq, Wanka Willka llaqtapi, chay llikllam, chaywanmi qipikunku imatapas, wawankutapas qipikunku.

Pullu. Uwiha qaytumantam ruranku. Yana, uqi, yuraq millwakunamanta qaytuta puchkanku. Chay qaytukunawanmi sumaqta pullukunata awanku.

Wali. Walikunaqa wiqawan rurasqam, watunqa hatunmi wiqawninman kamasqa watananpaq, wali muyunanpaqqa panatam churanku.

Ukuncha. Aychapa hawanpi riq. Walipa ukunpi kaq pacham. Ukunchaqa imay niraq rikuymi, patankunaqa aslla achalasqa kakun. Ñawpa watakunapiqa achka ukunchakunatam churakuqku, kunanqa asllañam.

Munillu. Kunkamanta wiqawkama churakunapaq pacham. Kaypaqa pata makinkunapas imay rikchaq luntakunawan sirasqam. Qasqupi unkuhina kicharisqam. Imaymana rikchayniyuqkunam, chaywanmi warmikuna sumaqllaña qawakunku.

Chukcha simpa. Kayqa simpa watum, chukchata simpaspa hapichinapaqmi allin. Chaywanmi qatukunaman rantipakuq lluqsinku, uwiha qaytumanta rurasqa kachkan. Yanam allin.

4.2. Qarikunapa pachankuna

Wara. Kayqa yana uwiha qaytumanta rurasqam kachkan, wakinqa huk llimpinakunawanmi llimpinku.

Allqay walas. Kayqa sakum, uwiha qaytumanta rurasqam. Yana warahina rurasqam rikukun.

Luykus unku. Wiqawkamalla uña punchum, makinpas uñallam, wiqawninpi chukchahina kacharisqa qaytuyuqkuna.

Makitus. Kayqa makikamalla awasqa, ñawpa watakunapiqa Wanka Willka llaqtapiqa churakurqakum, kunanpas churakunkum ayllu runakuna.

Chakitu. Kayqa yuraq iskachuhinam, awasqa ritinanpas tikrakun. Muqu tullumanta muqunkamam chayan.

Watana. Kayqa winu winucha awasqam kachkan, tukuyninpiqa watuhinam kachkan.

Luqu. Kayqa chulluhinam achka imaymana llimpinayuq qaytukunawan rurasqam kachkan. Wakinkuqa uwiha qaytumantam awanku. Kunanqa sintitiku qaytumantam ruranku.

Chuku. Kayqa, uwiqa qaytumanta rurasqam, chaynatam ñawpa runakunam pachakurqanku, kunanqa chukutapas huk rikchaq tilamantam ruranku, sumaq chirukunatapas ñawpaqninpi laqanku.

Siqu. Kayqa, uwiha, paqu, waka kunka qaramantam ruranku, siquytaqa hatun mama, hatun taytakunalla churakunku.

Waraka. Kaypas paqu qaytumanta rurasqa kachkan, achka rikchay qaytukunamantam sinpanku, qari runakunam ruranku.

5. Llaqtakunapa rayminkuna

Chanka allpакунапи llaqtachakuq llaqtakunapa rayminkuqa imaymanaymi. Chay raymikunamanta kunan willanakusunchik.

Karnawal. Kay raymiqa watan watanmi ruranku, llaqta saqisqanmanta ruranku. Sallqa runakunas kay raymi rurayta qallarisqaku. Wanka Willka, Aya Kuchu, Anta Waylla llaqtakunapim ancha pukllanku. Mama Pacha mikuykunata warakaptin, llullu mikuykuna lluqsiykamuptin llaqtakunaqa kusiriymanta rayminku.

Qachwa. Wanka Willka llaqtapis ayllukunaqa aymuray killapi, anta sitwa killapi raymikunku. Rihu, siwara hurquptinkuña muntusqa kaptin mikuy rakinankupaq tukuy tuta tusunku hawanpi. Chaypim warmikunapas qarikunapas yananta tariqku. Sumaq raymim karqan ñawpa watakunaqa. Kay raymiqa chinkarqunñam.

Santiyahu (uywa raymi). Waka, uwiha, kawra, llama uywakuna siñalchanapaq rayminku. Wanka Willka llaqta, Aya Kuchu llaqta, Apu Rimaq llaqtakunam watan watan ruranku. Huk llaqtakunapipas munay raymim.

Qiru wantuy. Kay raymitaqa yaqa lliw kumun llaqtakunam ruranku. Kumun wasi ruranankupaq, llaqta runakuna wasin ruranankupaq ruraqku. Wayqukunapi, mayu patankunapi wiñaq yukalitukunata lamraskunata kuchuspankum sisihina qiruta sumaq sumaqta achalaspanku llaqtakuman qispichinku. Hatun raymim, mikuy, upyay, tusuy, sinkay imam kan.

Rutuchikuy. Kay chukcha rutuypiqa kumparikuna, kumarikuna kanku, hinasapas lliw ayllukunam huñunakunku. Wawapa ñawpa rutuyninmi chay. Kay ñawpa rutuypim pi rutuq imallatapas warmaman haywan. Qullqipas kanman, uywapas chakrapas kanmanmi. Kay raymipas chinkarqunñam, manañam qawakunñachu.

Kasarakuq. Kaypiqa chayraq kasarakuqkunaqa raymikunawan ruranku, chaymanmi llaqtantin rinku. Kamachikuq kanankupaqpas kasarasqas kananku.

Wawa wañuy. Kaypiqa wawa wañuptinqa hatun raymitam ruranku, kusi kusisqa, takispa tususpa wawata pampanku.

Kamachikuqkuna tikray. Wanka Willka, Aya Kuchu, Apu Rimaq llaqtakunapi kay raymitaqa ruranku. Wakin llaqtapiqa chayraq yaykuq kamachikuqkunata 25 Qapaq Raymi killapi hapichinku, hinaspa rayminku. Wakin llaqtaqa wata qallariypim kamachikuqninkunata tikranku. Huk llaqtakunaqa Aya Marqay killapiñataqmi musuq kamachikuqkunata maskanku. Chayraq kamachikukuqkunaqa manas pipas maypas yanqapas yanqa hapichinchu, pay munaptin hapinku mana chaypaqqa saqirquku.

Kumun llaqtakunapa raymin. Wanka Willka, Apu Rimaq, Aya Kuchu llaqtaqa watan watanmi paqarisqan punchawta raymikunku. Takiykunawan, tusukunawan, mikuykunawan, pukuchu haytaykunawan, turu pukllaykunawan rayminku.

6. Llaqtakunapa takinkuna

Waman Puma Ayala, qillqasqanpi, “Nueva crónica y buen gobierno”, chaypiqa hayllimanta, harawimanta, qachwamantam riman, chaykunas taki paypaq kasqa, ayllu runakunas chaytaqa ruraq. Manam waynukunamanta rimanchu. Payllataqmi riman wayñumanta, kaysi kasqa kuyaynin ayllu runapa, 3 rakipis rurasqaku kay wayñutaqa, taki, harawi, tusuy. Imaña kaptinpas chay taytacha munayninku, ayllu runakunas saqisqa kasqaku sumaq takiykunawan, wasi akllasqankupis takiqku, apuchikunapaqsi takiqku.

Ayllu waynukuna. Rimayninkunas miski miskillañas manas misti runakunapahina qamyachu kasqa. Warmi qarim tusun, pampapis 1, 2 saruya qun, alliq chakinwansi qallaykun chaymantanataq ichuq chakinwan. Chaynas tukuy takiy tukunankama chayanku.

Aya Kuchu waynu. Takinkunaqa tukuy sunquykipa sunqunmanmi chayan, rimayninpas waqanaykikamas, chaysi paqarimun Puqra, Chanka llaqtamanta, kayqa ayllu taikiykunaman chayasqa 1980 watamantam huk llaqtakunaman.

7. Llaqtakunapa sutin rikurimusqanmanta

7.1. Willakuy

Paulino Eleuterio Puma Kanchari Yukra qariqa Sarwa, Aya Kuchu llaqtayuqmi. Paymi llaqtakunapa sutin paqarimusqanmanta willawasunchik.

Sarwa. Sarwa llaqtapa kanchan chawpinpis rumimanta llaqlasqa runapa rikchaynin sayasqa. Chay llaqlasqa rumipa sayasqan ukumantas yaku

tuqyamusqa. Kaypa chimpanpis, hatun qucha kachkan, chay quchapa chawpinpis taytachapa wasin rikurirqusqa.

Chaymantapas Sarwa ima nisqantam willawanchik. Chay quchamansi imaymana uywakuna yaku upyaq huñunakamuqku. Unquq uywakunaqa achka yaku upyasqankuraykus pumakunamanta, atuqkunamanta mana llupsiya atiqkuchu. Kay uywakunaqa, achka aycha wañuchisqankurayku, mana lliwtachu tukuqku, chaytas ñawpa runakunaqa sarwiwan sutichaqku. Chaynaqa Sarwa simiqa hamun Sarwi simimanta, sarwiñataq uywakunapa mikusqan puchusqa aycha ninanmi.

1910 watapis Sarwa llaqta paqarisqa, kaypaqsi Sarwa ayllu umalliq Aya Kuchu suyu kamachikuqkunata sapa kutilla mañakuq kasqa. Kaynaspas llaqtataqa paqarichisqaku. Imayna churinkunawan uywanakusqankumanta tapukuymantañataqmí wiqi ñawinwan kaynata kutichikun: churiykunaqa ripukunmi. Sasa sasatam churiykunata qispichirqani. Lliwmanta sullka churiymi Limapi wañukun. Kunanqa hukchanllañam kachkan, piwi wawayqa kawsachkanraqmi. Payqa Puma Kanchari llaqtapim awakunata ruraspa rantikun. Kay rantikuypi llamkananpaqqa ñuqam churiyta rimapayarqani. Kaspikuna llimpiytapas ñuqam yachachirqani.

7.2. Willakuy

Mama Marcelina Quinto Qispiqa 75 watayuqñam, Quri Sutu sapsi Wanka Willka suyu ukupim kawsan. Paymi kunan Quri Sutuhan llaqta suticasqankumanta willawasunchik.

Mama Marcelinaqa mamanpa willakusqan willakuytam willawasunchik. Ñawpa watakunapis, chayraq llaqta rikurimuptin, qipa wayqupi huk mina kasqa. Hawa llaqtakunamanta hamuq runakunas anchata llamkaqku. Hawa runakunaqa Ispaña llaqtamanta hamuqunas kasqa. Paykunas llamkachisqaku, paykunas kamachikusqaku. Qarikunas uku minapi llamkaqku, warmikunañataqsi hawa punku minapi llamkaqku. Paykunas quri wichisqanta huqariqku. Chaysi warmikunapa sutinqa pallakira kasqa. Watakuna ripusqanmanhinaqa aswansi achka ispañul

runakuna llaqtachamanqa chayakaykamusqa. Huk punchawqa, chawpi tutaña kachkaptinpas mama Marcilinapa mamanqa rikchachkasqaraqsi, mana puñuya atispan allinta uyariykuptinqa urqukunas allpawan rimakuchkasqa.

-Mamallay mama kaynataña karu llaqtamanta hamuq runakuna llapa qurinchikta apakuchkanku.

Kayna llaki llakisqas willakusqa, hinaptinsi qaqapas yawarta waqastin rimaykamusqa. Kunanmanta llapa quri uku allpaman kutiykuychik.

Chaynapis Quri Sutu sutiyuq chay llaqta rikurirqun. Qaqqa sipas warmichatas apakuykusqa, chay warmichaqa mana wachakuy yachaqsi kasqa, llampu sunquyuq, sumaq simiyuq kasqa. chawpi punchawtas manchakuypaq ñanninta purisqa, hinaptinsi manaña wasinta kutiykusqachu. Ayllunkunaqa llumpaytas maskanku. Wayqun wayqun, qaqqa qaqan maskaspankupas manañas tarinkuñachu. Aswan huk qaqapatanpis sipaschapa uyan rikurirqamusqa. Chay punchawmantas, chawpi punchawqa chay ñanta mana pasawaqchu.

7.3. Willakuy

Mama Adela Marka Ñawpa Ñawin Qupaqa 70 watayuqmi, Quchatay – Lirkay llaqtapim kawsakun. Paymi qaqqa Tamrayku sutiyuq qaqamanta willariwasunchik.

Mama Adelam mamanpa nisqanmanta kaynata willakamun. Mamansi nisqa: ñawpa watakunapiqa, llaqta chayraq rikurimuchkaptinmi, allpasapa runakuna uchuy llaqtachakunamanta runakunata wischuspa allpankuta qichuq. Huk allpasapa runapam huk warmi churin kasqa, manam pi pukllaqa masin kanchu. Aswan huk yanapakuq runapam ichaqa qari churin kan, payqa 18 watayuqñam,



chay allpasapa runapa churinhina. Allpasapa runapa warmi churinqa yanapakuq qari churinwan waknataña kuyanakunku. Pakakuspallam kuyanakuqku, manam warmipa mamanqa yachanchu, yanapakuq runaqa yachanñam, huk kutin iskayninta tarirqun riki. Chaymi yanapakuq runaqa churinta rimapayan. Patrunanchik yacharquspaqa kaymantaqa wischuwasunpunim, nispa. Amachiki chaynaqa kanmanchu.

Huk punchawñataqmi, allpasapa runa kuskata tarirqusqa. Supay supaytam piñakun. Chaymantaq sapa punchawña churinta qawan. Maynataña qawachkaptinkupas imataña ruraspach maqtawan kananpaq taytanmanta lluptiqpuni. Manañam rakiyta atinchu. Pasñapa taytanqa yunka allpaman apanapaq umacharqun. Tinku Marya llaqtapiñam sipasqa tarikun. Sipasqa sapa punchawmi qaqqaman qispin, chaypi sapa punchaw waqqaq. Chayna llumpay waqasqanpis qaqqaman tikrakurqusqa.

Chaymantam kastilla simipi ‘Bella durmiente’ sutiwan suticharqunku. Qariñataqsi, huk tuta, qaqqaman qispispa kayna nispa qaparimusqa: “qamraykum sunqu rumi kayta munani”. Pampa, allpa kuyurinankamas qaparisqa. Chaynapis qaqaqa Tamrayku sutiyuq kan.

8. Ayllukunapa llaqtakunapa ruraynin

8.1. Chakra tarpusqankunamanta

Mama Victoria Paraqway Taypiqa 70 watayuqmi. Qullqa Pampa llaqtapim kawsan. Qullqa Pampapi imayna chakra tarpusqankumanta willariwasunchik,



Llaqtaypiqa uywaykupa akasqan wanuwanmi tarpuniku. Ima rurukunapas chaywanmi allinmanta wiñan. Llapa mikuykunataqa kusikuywanmi Tarpuna. Ñuqaykuqa kantaray killapim tarpuniku wakinkuqa qipachaykunkum, chaymi wakin ayllukunaqa Puquy Raymi killapiña tarpunku. Chay tarpuykunataqa qipa tarpuywanmi riqsiniku.

Mikunallaykupaqmi ñuqaykuqa tarpuniku. Allpaykuqa manam anchataqa ruruchinchu, chaymi wakin ayllukunaqa karutaraq tarpuq rinku, chaypim ichaqa sarapas kinwapas wiñan. Llullu mikuykunapas chaypiqa anchatam lluqsin. Papa wiñasqanpiqa chuñutapas mikunallapaqmi ruraniku.

Tayta Wilisyanuqa Qucha Pampa llaqtapim yachan, kay markaqa Aya Kuchu suyupim tarikun. Imaymana kawsay tarpusqankumanta willamuwasunchik:

“Kay llaqtaypiqa qichwa runakunaqa tukuy niraq kawsaykunatam tarpunku. Siwarata, papata, hawasta, alwirhasta llapantayá, chaymi llaqtaypiqa mikunallaykupaq tarpukuniku, manamá rantipaqchu, kamachallatam tarpukuniku, chaynam watan watan ruraniku”.

Ichqa, Qucha Pampa llaqtapiqa, tayta Wilisyanupa wakanqa manam llumpay achkachu kasqa. Aswan aslla wakanmantas lichinta chawaspam kachitapas miskichananatas wiratapas rantinku. Lichita, kisuta rantikuspankus quillqita huñuqku. Qichwa aymara runakunaqa mikuykuna waqaychayta ñawpa pachakunamantaraqmi yachanku. Chaymi, kunankamapas chuñuta, charkita, kayata ruranku.



PRATEC sutiyuq huñum kayna rurasqankumanta kaynata nin: taytanchikpa wasinhinas chakra riqsisqa kakun, chaypis taytanchikpa sutinmanta, llamkaykunamanta rimirimunku, chaypis kutichita ruraspanku kawsanku. Ñawpa ayllukunahinas llaqtakunahinas yanaparikuspanku kawsasqaku PRATEC, (1992, p. 109).

Kaypas kachkan, ñawpa ayllukunas wawankunaman uywankunata saqisqa. Mikuyninkunatapas taqikunapi saqisqa. Chayllatam qipa hamuq runakuna rurallanku. Ichaqa, qichwa runakunaqa manam maqlachu kanku. Aswanmi wasi masinkunawan mallichinakunku, mana riqsisqa runakunamanpas mallichinkum, manam manka kirpachu kanku. Apukunapaqpas Pacha Mamapaqpas rakinkum. Kaynam miranapaq, unanchasqa kananpaq watan watan mikuyninkutaqa uywanku. Chaypa sutimmi “Sumaq kawsay”.

Mama Nildata tapukuptinchik nin: “Tayta mamayqa imayna tarpuuykunata yachachiwarqanku, hatun taytaytapas manam riqsiniñachu, wañukunñam



riki” nispa. Ñawinchasqanchikmanhinaqa, tayta mamam churinkunata wawankunata uñallamtaraq tarpuya yachachinku. Aswanmi willawaqninchik taytanmanta yuyarin. Hatun mama taytakunaqa mamanchikmantapas aswan sumaqtam yachachiwarqanchik. Kunanqa manañam kanchu, chaymi llakiwan yuyarini.

8.2. Awaykunamanta

Nilda Willakuynin

Mama Nilda Aya Kuchu llaqtapim kawsan. Paymi awaykunamanta willamuwasunchik.

“Ichaqa kunan pachakunapiqa, wakin yachaqkunaqa huk yachayninkunata qispichispam rantikullankutaq. Kunan pachapiqa manañam chakrallawanñachu uywallawanñachu ayllunkunata yanapan. Puchkaspa wasita ruraspa imam yanapakuna kaptinqa yanapakunku”. Kaynatam mama Nilda niwanchik.

Mama Nilda willakusqanmanhinaqa luqukuñatas ruran, uña pachachakunatas, iskachutapas, chukukunatas awan, hinaspa rantikun. Sarwa kanchapis wakin punchawkunapiqa allinta awayniykunata rantikun.

Ñawpa watakunapiqa imaymana rikchaq ruranakunatas rurapakuqku, chaynallataqsi imaymana rikchaq qaytukunamanta wawankupaq qispichiqku. Uywakunamanta awaykunata ruraqku. Kayraykus uywakunata uywaqku chaysi qaytukunataqa manaña rantiqkuñachu. Uywankupa millwallanwan pachakunata awaqku. Achka watañas pachakunataqa manaña rantinkuchu. Millwa uwihamanta qaytukunata puchkaspas walikunata, chukukunata, ukunakunata ruraqku. Llañu qaytuchamantas llampu walitapas ruraqku. Kunansi riki lastikullamantaña ima pachatapas rurachkanku. Chay pachakunaqa taqsasqpas manas pisipachikunchu, sumaqtas quñichikun.

Kunanqa wawankuqa pacha rantiy়llawanñas churakunku. Ñawpa watakunaqa paykunallas sutinta churaspankuraq pachankutaqa siraqku.

Kunanñataqsi warmakunaqa rantiyllataña munanku. Chaymi mama Nildapas rantiy pachallamanña yachakurqun.

Chaymantapas mama Nildam kaynatam nin: “imaymana rikuq awasqaytapas qawaspallaymi yacharquni, wakintaqa ñañaymi yachachiwarqan, hinaspapas ipaypa wawanmi yachachiwarqan. Uywata michispaymi michiq masiykunawan aswan awaytaqa nisyuchata yacharqurqani”.

‘Kessel’ hinaspa ‘Condori’ runakunam llaqta runakunata tapupayasqaku, chay tapupayasqankumantam qillqasqa maytuta paqarichirqanku, chaypim kaynata willakunku: “ñuqaqa mana yachanichu awayta, yachaykachiwaptinku, aswan qawaspallaymi yachani, hinaspaqa kikillayña rurani” nispas willakuq runa nin. Mama Nildañataqmi kaynata willawarqanchik: “qichwa runakunaqa yachanku ima ruraytapas qawaspallam. Chitakunata, uwhakunata,



michispa. Chaypim, michiq masiykuna pukllaspahina ycahachinakuq". Chakrakunapiqa uywakunataqa allinllamantas achkayananpaq qispichina. Ima unquykunamantapas hampinas, Mama Pachaman hapipakuspas minkakuna allin mirananpaq. Chaymi qichwa runakunapaqqa kay Pachapiqa llapa imapas kawsayniyuq. Chayraykus kuyakuywan imatapas qawarinku. Allpatapas mamankutahinas kuyanku. Chakratapas rimakuykuskuspankus yaykunku, qaqtapas rimapakuspas qawanku. Kaynatam nin tayta Kessilwan tayta Condori.

8.3. Llamkayninkunamanta

Saywa huñupa qillqasqanku maytu nisqanmanhinaqa llamkaykunaqa kaynas chanka llaqtakunapiqa: Ñawpa watakunapiqa kaynatam llamkarqanku, kunanpas kaynatam llamkachkanku.



Laymi: Laymitaqa sapa watam ruranku. Huk chakrata akllaspankum lliw llaqta tarpunku. Allaynin chayaramuptinpas papataqa hatun ayninakunapim huqarinku. Ima kaptinpas chay kaqlatas allasqankuta rakinakunku. Manas pipas maypas qipachasqaqa kanmanchu. Aswansi wakcha kaqkunataqa llakipayaspa yanapanku.

Ayni: Qichwa runakunaqa ñawpa watakunamantaraqmi aynipi llamkaqku. Chaymi ima sasachakuypipas ñakariypipas runa kaptinqa yanapanku. Chaytam kutichinki aynillawan.

Minka: Kuskalla lliw kumun runa llamkanankupaqmi minkaman riqku. Ayllu kamachiqpa qayakusqanta uyarispam rimanakusqankumanhina yanapakuna.



Minkakachiqmi allinta mikuchispa, upyachispa, kusichispa minkaqqunata llamkachiqku. Minlaman riqkunaqa sumaqtam kay minkakuyta chaninchanku. Runakunañataqmi llaqtanta kuyaspanku, waylluspanku kusikuywan llamkaqku. Kay rikchaq llamkaypiqa lliw llaqtam sayarinan, manam pipas qipanmanchu.

Llamkay: Llamkaypiñataqmi pipas qullqillapaq imatapas ruran. Chakrata tarpun qullqipaqaq, uywata michin qullqipaqaq, wasita pirqan qullqipaqaq. Kaypiqa runakunaqa qullqipaqaqmi imatapas ruran.

Kaynatam ñawpa watakunapi imayna ayllu llamkasqankumanta Saywa huñu qillqasqan maytupi willakun.

Espinoza Soriano, Waldemar, “Economia y sociedad” qillqasqa sutiyuq maytunpi kaynata rimapayawanchik. Ñawpa ayllukunamantam imayna huñulla llamkay riqsisqa kasqa. Allin llamkananchikpaqqa lliwchanchikmi huk umalla kananchik, chayqa mana kaptinqa manam imatapas ruranchikmanchu. kayna sunquwanmi yaku yarqakunata yaku aysanankupaq rurarqanku. Kaynata ruraspankum aqu pampa allpakunata ruruchiqku. Purun allpakunapipas achka llamkaykunatam rurarqaku.

Ayllukunapiqa, llamkaykunaqa allin qawasqam karqan. Kallpankuta kutichinakuspa allpakunata ruruchirqanku yanapanakuspa. Allpakunapas ayllukunapa munasqanmanhina, atisqanmanhina rakinasqa karqan. Kayna kaspankum ayllukunaqa hawka, allin kawsaypi tiyarqanku. Paykunapa yachayninpiqa hamutayninpiqa manas runakunaqa chiqninakustinqa kawsanmankuchu. Mana chiqninakuspaqqa Mama Pachatapas allin kuyakuywanmi qawanqaku. Kayna umayuqmi ñawpa runa masinchikkunaqa kay pachapis chuya sunqu kawsakurqanku.

Kaynatam allichakunchik

**Qichwa ayllu runakuna imayna llamkasqanku
Wanka Willka ayllukuna llamkaypaq imayna
allichakusqanku**

Munachikuy

Wanka willka llaqtaqa Chanka ayllu llaqtapa ukunpim tarikun. Ñawpa willakuykuna nisqanpihinapas kay allpapi tarikuq Chuqlu Quchamantam Chanka Ayllu purichiq runakuna paqarisqaku. Chay ñawpa runakunapa churinkuna wawankunam qipa wiñay runakunaqa kanchik. Aswan manam musyakusqanchikñachu. Manañam llaqtanchikpa sapinta riqsinchikñachu.



Tayta mamanchikkunapa yachayninkunataqa umanchikmanta lliwtam picharquwasqanchik.

Kunan machuchakunaqa, payachakunaqa manañam pi Chanka runakuna kasqanta yachankuñachu. Manañam kay allpakuna chanka runakunapa allpan kasqanta yachankuñachu. Maynaña tapupayaptinchikpas manam musyayllapas musyakunkuchu.

Ñuqanchikmi Chanka ayllu kanchik, kay kawsasqanchik allpaqa ñawpa Chanka ayllukunapa allpanmi niptiykipas, manam nisunkim. Kay allpapiqa unayñam kawsakuni. Kay allpakunaqa asinrarukunapa allpanmi karqan nispam kutichikunku,

Manam pillapas chanka ayllu imamanta kawsasqankuta riqsinkuñachu. Imata ruraspa mikusqankuta riqsinkuñachu. Imakuna tarpusqankuta, imayna tarpusqankuta yachankuchu. Uywakuna uywasqankumanta, imayna llamkasqankumanta yachaykunaqa watakuna ripusqanmanhinam chinkarqusqa. Manam pipas kay ñawpa ayllunchikmanta yachachisqachu.

Kayraykum llaqta runakuna tapukusqaykuta kutichimuwasqankumanhina willakuykunata allichaykuspa kay maytuta riqsichisqaykichik.

1. Sapsikunapi, kumun llaqtachakunapi llamkay

Aya Kuchu, Wanka Willka suyukunapi kumun runakunapa umanpiqa hinallaraqmi ñawpa tayta mamanchikkunapa imayna llamkaypaq allichakusqan tarikun.

Ñawpa llaqta runakunaqa hawka kawsakunankupaq, mana yarqaypi kanankupaqmi watan watan tarpukuqku, imatapas uywaqku. Allpawan hinaspas allpapi kaq llapa imaymanakunanmi uywanakuqku. Kunanpaq hinallaraqmi chay yachay kachkan.

Manam qullqi chaskiychu manataqmi achka achka allpa ruruchiychu paykunapa munayninqa. Llaqta mana yarqaymanta kananpaq kawsaykuna taqiytam paykunaqa anchata maskanku. Ayllu runakunapa



kawsakuyninmahinaqa manam allin pachakuychu wakcha kayqa. Manam sumaq pirqasqa hatun wasikunapi kawsaychu wakcha kayqa, manam karuyuq kaychu wakcha kayqa. Paykunapaqqa mana piniyuq, mana aylluyuq kaymi wakcha kayqa.

Kaymanhinam yachaqkunata maskaspayku imayna kawsanankupaq allichakusqankumanta willawanankupaq tapurqaniku. Kaynatam paykuna tapukusqaykuta kutichiwarqanku.

Marya Sullka Wamanpa willakuynin

Payqa, 70 watayuqmi, Wankapi, Aya Kuchu llaqtapim yachan.

Tapuy: Mama Marya, ¿ima llamkaykunatataq wawaykikunaman yachachirqanki?

Kutichiy: Ñuqaqa chakrapi llamkayta, awayta, uywa michiytam yachachirqani. Piwi wawayqa manam chakra llamkaytaqa munaqchu, aswanmi Lima llaqtaman ripuspa qatupi llamkan, pachakunatam siran. Ñuñu paqwa mamachayqa allintam tarpun, aswan payqa rantikunanpaq imam chakrapi llamkan. Kunan qipa warmakunaqa manañam chakrapi llamkayta munakunkuñachu.



Epifania Huarocc Roca willakuynin

Epifania Waruq Rocaqa 67 watayuqmi, Tansiri ayllupi, wanka Willka suyupim kawsan.

Tapukuy: Mama Epifania, ¿ima llamkaykunatataq wawaykikunaman yachachirqanki?

Kutichiy: Yachasqay ayllupa allpanpiqa achka achka uywakunam wiñan. Uywa uywaypim yaqa llapachayku llamkaniku. Ñuqapaqa achkam paquykuna uwihaykuna kan.

Aylluy allpapim suyu kamachikuq uwihakuna paqukuna qawaq llamkanata paqarirqachin. Chaypiqa ayllu runakunapa churillankum llamkanku. Chaypim uywa millwa, aycha akllayta yachachinku. Chaypim imayna millwawan awaykuna awayta yachachin. Warmikunam imaymana awaykunata ruranku hinas pam Lima llaqtaman apachinku. Iwrupa, Ispaña llaqtakunaman pas apachinkum. Churiyunkapas chaytam ruranku. Manañam churiyunkunaqa chay wasipiñachu llamkanku. Kikinkukupa paqarichisqan llamkanapiñam awaspanku llamkakunku.

Llamkaytaqa manam lliw runakunachu hina kaqlata qawanku. Wakinkum llamkayta ñakakuywan tinkuchinku, hukkunañataqmi kusikuywan tinkuchinku. “Urkuykipa humpinwan mikunki” nispam taytachapas nirqan. Chaymi taytachapi iñiq runakunaqa llamkaytaq ñakaytahina qawanku. Anti runakunañataqmi, Qichwa runakunañataqmi llamkaytaqa raymitahina hatun kuskuytahina qawanku, chaymi ima llamkaypipas mikuy, takiy, tusuy, upyay ima karqan.

Enrique González Carré runam kaynata rimapayawanchik. Llamkayqa manam llutanpi llamkaychu. Llamkayqa hatun kawsaymi, taytachawan apukunawan rimanakuymi. Llamkayqa taytachaman haywakuymi, allpawan chakraqa wakakunapa wasinmi. Pipas wañuptinqa hatun aya mayuman rinanqa yachasqañam karqan. Chaypim imaymana rikchayniyuq sumaq yana papakuna rurun.

Llamkayqa lliw ayllupam, manam huk runallaqa ñuqapam kay yachayqa nispaqa nimanchu. Yachayqa lliw ayllu runakunapam. Allpapa churinhinam kaqllanpi mana pantaspa llamkayqa. Kaynatam aylluypi llamkayta qawanku, llamkana kaptinqa manam pipas pantanmanchu. Kayraykum qilla runakunataqa, mawla runakunataqa pinqasqa. Llamkanaqa manam watasqhina llamkanapaqchu, manam; aswanmi kawsayhina kacharisqa. Takiwan, tusuywan, raymiwan, mikuywan kuskachasqan llamkayqa paqarin. Llamkayqa manam llaqtakunapihina qawasqachu, manataqmi huk runapa kamachisqanchu.

Manam qullqi mirachinapaqchu llamkanchik, sapa punchaw kawsanapaqmi llamkayqa. Ayllunchikkuna yanapanapaqmi llamkayqa. Watan watan rayminapaqmi llamkana. Kaynata ruraspam llamkaytaqa mana chiqninchikchu, aswanmi hatun raymitahina uywanchik. Llamkayqa kawsaymi,



runapa qispikuyninmi, kusikuyninmi; chakrata llamkaska, uywata uywaspam Qichwa runaqa kawsaywan uywachikun. Kaymi allin kawsayqa. Kay rikchaq llamkay qawayqa Iwrupa runakunamantaqa ancha anchatam karuchakun, paykunapa umanpiqa ñakakuymi, pisipaymi, machuyachiymi llamkayqa.

Ayllupi, sapsipi Qichwa runaqa llamkaywanqa tinkinasqahinam tarikun. Llamkaspam runahina qawakun. Llamkaywanmi qispikun. Llamkaypa wischusqanmi, llamkaypa waqsisqanmi kamachikuqkuna, mistisukuna, michuqkuna, imapas tukuylla tukuqkunam tarikunku. Hukkunam chaykuna, paykunatam tusuykunapipas takiykunapipas pinqaqhina asichikuqhina takipayanku, tusupayanku.

2. Ayllupura allichakusqanku

Wanka Willka hatun suyupa ukunpi tarikuq uchuy ayllukunaqa, llaqtakunaqa ñawpa Chanka llaqtakuna allichakusqanmanhinaraqmí kanankama allichasqa tarikunku. Paykunaqa pi chay yachaykuna saqisqantaqa manañam musyakunkuñachu. Paykunapa umanpiqa tayta mamankupa tayta mamanku rurasqankutahinam yuyanku.

Imayna sapsipura, llaqtapura, ayllupura allichakusqankumantam llaqta masinchikkunata tapurqaniku. Kaynatam paykuna kutichikamunku.

Lourdes Espinoza Kanchuripa willakuynin

Mama Lourdes Espinoza Kanchuriqa 70 watayuqñam, Tuqas sutiyuq ayllupim (Wanka Willka) kawsan.

Tapukuy: Mama Lourdes Espinoza Kanchuriqa imayna ayllun allichakusqa kasqanmantam willawasunchik.

Kutichiy: Llaqtaypi llumpaymi uywa suwaqkuna kan. Sara tipiypiñataqmi llumpay pistakukuna rikurimun. Kayraykum Chachas llaqtawan Nina Pampa llaqta huñunakuykuspayku sumaqta rimanakuykuniku. Hinaspam Pampas llaqta kamachikuqta yanapawanankupaq mañakuykuniku. Sasachakuñiyutam riqsichiniku hinaspam akchinakunata, putaskunata kasakakunata punchukunata quwanankupaq mañakuniku. Hinallataqmi Nina Pampaman riq karu ñanta qawanankupaq kachakukunata mañakuniku. Ichaya manaña runa chinkachiqkuna rikurimunmanñachu. Ichaya manaña runakunapas wañunmanñachu. Ayllukunaqa ayllunku chinkaptin waqankum.

Mama Lourdispa nisqanmanhinaqa llaqtachakunaqa uchuylla kaspaqa kallpayuq kanankupaqmi huñunakunku. Huñunakuspankum suyukuna kamachikuqkunatapas yanapanankupaq kallpawan mañakunku. Suwakunamantapas, pistakukunamantapas amachakunkum.

Rigoberto, Postillon Quripa willakuynin

Tayta Rigoberto, Postillon Quripa 70 watayuqmi, Wachu Qullpa, Wanka Willka allpapim kawsan.

Tapukuy: Tayta Rigoberto, Postillon Quripa imayna llaqtan huk llaqtakunawan qawanakusqankumanta willawasunchik.

Kutichiy: Aylluyqa patqankunawan, chitqankunawan, wakinkunawan huñunasqam tarikun. Santa Inis sutiyuq llaqtachallawanmi hukmanyasqa tarikun. Paykunaqa manam imapiapas yanapakuya munankuchu. Wakinkunawan hawkam yanapanakustin llamkaniku.

Kaypiqa llaqtapi kaqkunallam llamkaniku. Kumunmi llamkasqaykumanta quillqita haywawanku. Muyuspa muyuspam llamkaq yaykuniku.

Ñuqaykuqa, mañawaptinku “Pueblo Libre” sutiyuq aylluta uywa suwakuna rikurirqamuptin yanaparqaniku. Suwakunata maskaspayku, kamachikuqkuna uyariwanankupaq qaparkachastinmi yanapakurqaniku.

Sapa wasipaq Wanka Willka suyu qullanaman quñichikuqkunata mañakuptiykuqa manam “Pueblo libre” runakuna yanapawarqankuchu chaymi ñuqaykupas paykunamanta asurikunikuña.

“Organización comunitaria” sutiyuq qillqasqa maytupim nin. Ima sasachakuypas rikurimuptin allichanankupaq runakunaqa huñunakuspam rimanakunku. Kaynam kumun ayllukunaqa allichakunku. Sasachakuykunaqa ayllu rikchayniyuqpas qullqiman tupaqpas takiman tusuyman tupaqpas llamkayman tupaqpas, mana chayqa kamachikuykunaman tupaqpas kanmanmi.

Runakunapa kawsaynin rikurimusqanmanta pacham wakin runa masinchikkunawan huñunakuya maskarqanchik. Huñunakuspallam ima sasachakuymantapas hawka lluqsinchik. Kayna kuska rimanakustinmi mana sasachakuspalla mikuya, pachata, wasita ima tarirqanchik.

Warmikunawan qarikuna kuskachakuspankum imaymana hatun llamkaykunata qispichirqanku. Kuskankum runapa kawsayninta tikraspa wiñachirqanku. Kayna huñunakuspankum runa masinkuna uywahinata uywaqkunata chinkachirqanku. Kaynam huk sumaq ruraykunata llamkaykunata tarirqanku. Yuyaymanay:

Kuska rimanakustin kawsayqa llaqta purichiq runakunata wiñachinmi. Paykunam wakin runakunapa munayninta purichin rikurichin. Paykunam huk runakunwan rimanachiwanchik hinaspa hukpa rimasqanta mana pinqaspa uyariyta yachachiwanchik.

Kumun llaqtakuna allichakunapaq yachachiykuna

- Munaq runakunam mana pipapas kamachisqan huñunakunku, hinaspa ima sasachakuypas allichakunapaq ñanninta maskanku.

- Munasqanku rurakunapaqmi llapa ima ruraykunata allichanku, imayna qati qatilla llamkay rurakunanpaqmi allichanku.
- Allichakusqankumanhina llamkaykunatam llamkanku. Rurasqankutam tupunku.

Ayni

Kay rikchaq llamkaywanqa lliw aylluchakusqa runakunam yanapakustin llamkaqku. Kay rikchaq llamkaywanmi llaqtapaq imapas allin kasqanta pirqaqku, chakrakunapi llamkaqku. Pacha muyusqanmanhinam, puquy pachapiqa chakrata chakmaspa wanuchaspa rumichaspam llamkaqku. Usya pacha ukupiqa tarpuyla huqarispa wasita pirqaspa chakakunata allichaspa imam llamkaqku.

Minka

Kay rikchaq kuska llamkaytaqa huk niraqmi karqan. Minkawanaqa llaqtapaq allin kaq ruraykunatam llamkaqku. Chakra parqunapaq yarqakunata, qarpakunata, pata patakunata, chakakunata, wakakunata, llaqtakunata, charki rurana wasikunata, qullqakunata, uywa kanchakunata, chakra harkaq kanchakunata, wakakuna allichayta, pampana wasikunata ima kusilla ruraqku.

3. Ayllu llaqtakunapi mirachina llamkanakuna

Wanka Willka uchuy llaqtachakunapiqa runakuna kawsakunankupaq imakunatapas mirachisqankumantam tapupayasqa runakuna rimapayawasunchik.

Felicia Rios Sotuqa 67 watayqmi, Pachaqla, Wanka Willka suyupim kawsakun.

Tapukuy: Mama Feliciana, ¿llaqtayki pi imaynatataq imaymana kawsaykunata mirachinkichik?

Kawsay huqariy pachapiqa aylluypiqa kaynatam yanapakuniku. Papa allay pallaypi, chuñuykuta ruraspa, uywaykuta michispa.

Wanka Willka llaqtataqa imapas kaptillanmi illaq kaniku, yanqanpiqa manam illaqchu kaniku. Papachayta qipirikusqam, chuñuchay qipirikusqam, mana chayqa pauchayta nakaykuspay aychan qipirikusqam riq kaniku, hinaspa llaqtapi rantikurqaniku. Rantikusqay qullqiwanñataqmí wasiyman kutikamunaypaq rantipakuq kani. Qatumani chuñuta apaq kani, mana kaptillanmi wanka Willka llaqtata kunanqa illaniku.

Pauchaytañataqmí kamalman apaq kani. Kay watakunapas hinallam llaqta masiykuna uywankunata rantikuchkanku. Huk warmi masiykunaqa llaqta masinku imatas maskasqanmanhinam rantina wasitapas kicharqunku. Imapas mana kaptillanmi wanka Willka llaqtata kunanqa illaniku.

Mama Sutupa willakusqanmanhinaqa, ñawpa runakunaqa manam hatun llaqtakunaman yachakasqachu karqanku. Paykunaqa ayllunpi imatapas mirachispallankum hawka kawsakurqanku. Kay qipa watakunaqa manañam chay rikchaq kawsakuy kanñachu, manañam uywa uywayllatapas runakuna yachanñachu, manañam chakra tarpuyllatapas munankuñachu, llaqtallapiñam llamkakuyta munanku. Kay rikchaq kawsayman runakuna sunqun muyurquptinmi uchuy aylluchakunaqa chinkachkanña hinaspan aswan llaqtakunaqa llumpayta wiñakuchkan.

Roberto Pichardo Gomispa willakuynin

Roberto Pichardo Gomisqa 71 watayuqñam, Tinkir Qasa ayllupi, Wanka Willka suyupim pay yachan.

Tapukuy: Tayta Roberto, ¿llaqtaykipi imaynatataq imaymana kawsaykunata mirachinkichik?

Sapsiypiqa, aylluypiqqa wakatam uwihatam uywaniku. Ima sasachakuypas rikurimuptinqa, ima raymipas rikurimuptinqa huknin uywachaykutam hapiniku hinas pam rantikurquniku.

Llaqtayipiqa lliwchaykum imatapas ruraniku. Pipas wañukuptinkuqa lliwchaykum qullqita apastinpas mikuya apastinpas wañukuqpqa ayllunta kuskachaniku. Tarpu y qallaykuptinqa sapa llaqtapa chitqanmi mitanakuspa tarpunku. Yachay wasi pirqay tukurquptinqa lliwchaykum qullqita apaspayku kuyakuyniykuta apaspayku, kaypaqmi uywachaykuy allin. Kaynam ñawpa tayta mamanchikkuna kawsakurqanku, hatun mamaymi wallpa uywasqanta willawarqan, hinaspas maki makita Wanka Willka llaqtaman rispan allpasapakunaman. Runtuta apaspas manas lliwtachu rantikamuq wakinkunataqa luqlu kasqanrayku kutichimuq.

Tayta Ruwirtupa willawasqanchikmanhinaqa lliwchanchik yanapanakuspa, ayninakuspa kawsayqa ancha sumaqmi. Kaynam ñawpa llaqtanchikkuna kawsakurqanku. Manam wakcha runaqa karqanchu. Manam pipas saqisqahinaqa waqsisqahinaqa karqanchu.

“Economia indígena y mercado” sutiyuq qillqasqa maytupim kaynata nin. Ayllu llaqtakunapa kallpanqa haywakupi, hinaspa chaskiypim tarikun. Kaynatam llaqtapa munasqan kamachikun. Lliwmi yanapakunanchik nispan llaqta rimapayawanchik. Llaqtapa kallpanqa runapa rurasqanpi sapichakun, paymi ayninakuspa kawsanan. Huk llaqtakunapa umanpiqa imapas huñuyllam, imapas taqiyllam, ayllu runakunapa umanpiqa imapas aypuyllam, uywasqanku haywayllam kan.

Kuyanakupi sapichasqa wiñayqa ancha riqsikuytam apamun, kayna kawsakuytam allin kawsaywan riqsinchik. Kay rikchaq llaqtakunapiqa kaymi hatun kamachikuy: ima haywasqaykipas kutichinallam kanqa. Chaynaqa munastin mana munastinmi haywasusqaykitaq chaskinayki. Kayta ruraspam wiñaypaq ayninakuy kawsananta maskanku.

4. **Ayllukunapa qullanankuna**

Yapamantam tayta Roberto Pichardo sapsin imayna allichakusqanmanta rimapayawasunchik.

Tapukuy: Roberto, ¿llaqtaykipi imaynatataq kamachikuq qullanakunata churankichik?

Llaqtanya qullananqa ancha umasapam. Qatiqnin qullanapas hinallataqmi. Ñawpa watakunaqa mana qullanayuqmi

karqaniku, llaqta umalliqllam
 karqan. Paykunam Wanka
 Willka llaqtapa qullananwan
 amawta apachimuwanankupaq
 rimanakuqku. Manam riki
 amawtayku warmakuna
 yachachinankupaq aypakuqkuchu,
 hinallataqmi "Word Vision" sutiyuq
 huñutapas mañakurqanku.
 Kay huñum watan watan
 warmakunapa llamkanankuwan
 yanapawanku. Hinallataqmi,
 papa tarpuy llamkaymanpas
 churaykuwarqanku. Kay
 llamkaypim lliw ayllukuna
 llamkarqaniku. 7 rikchaq papa
 kapusuptiykiqa chaytam
 apanayki, chaymanhinam qullqita
 haywarqanku. Wakinkunaqa 2
 rikchaqlatam apaqku, aswan chaykunaqa allin allin papakunam kanan
 karqan. Aruwa papamantaqa achka qullqitam chaskiq kaniku. Kayna
 kananpaqmi Wanka Willka suyupa qullanan kamachikurqan.



Kunanqa Tampu sutiyuq llamkanam rikurirqamun, kaymi **Caritas**
 huñupa yanapakuyninwan tampu wasiykupi allinllamanta qispichkan.

Tapukuy: mama Feliciana, ¿llaqtaykipi imaynatataq
 kamachikuqkunata qullnakunata churankichik?

Ñawpa watakunapiqa, kawsasqay llaqtapiqa, manam
 yanapawaqniyku llamkana karqanchu. Manam qullnaykupas
 yanapawaqkuchu. Aswan, "*Lanas y ovinos*" sutiyuq llamkana, 5 ñawpa

watapi rikurirqamurqan. Lliw uwihayuq paquyuq ayllukunam riqsichikuspayku yaykurqaniku. Chaypim awqa kaniku, millwatam rantiqku. Kaymanta kay llamkana Pawqarayman suchupurqa.

“Cuna Mas” sutiyuq llamkanapas chayarqamurqam. Chaypim wawankunata warmikuna saqirqanku. Anchamat warmikunata yanapawarqanku. Uña wawachayuq kaq warmikunaqa hukkunapa wawankuta qawaspankum llamkarqanku. Kunanñataqmi parqunapaq hinaspa chakra yapunapaq muhukuna sutiyuq llamkana chayarqamun, tarpukuqkunatam yanapakuchkan, chakra allin tarpuq yachaqunam yanapawachkanku. Tarpukuuniykuwan rumi mana yakyunapaq qawachkanku. Hinallataqmi muhukunatapas quwachkanku. Tarpuuniykupim yanapawanku. Allin miraq quwikunapa wasintapas rurqanikum, chay quwikunataqa tawa killallapim rantikuchkanikuña. Kay rikchaq llamkaykunataq sipaskunawan maqtakunaqa manañam munankuñachu, chaymi huk llaqtakunaman llamkaq ripuchkanku.

Mama Wilisyanapa willakusqanmanhinaqa, ayllukunaqa manam sapallankuqa kawsayta atinkuñachu. Piru suyu kamachiqkunam makin huqariyta yacharqachinku. Ayllukunaqa manañam kikillankumantaga llaqtankupaq ima ruraytapas munankuñachu. Imatapas qullqillapaqmi kuyuchinku. Manañam purinanku ñankunataqa allichankuñachu, yaku purinan yarqakunatapas manañam pichankuñachu. Ayllukuna kayna rikurirqunanpaqmi imaymana yanapakuq huñukuna huchayuq. Kay huñukunam qullqi huñunanrayku, qullqisapa runakunamanta qullqita mañakunku. Wakchayasqa ayllukunatam, mana imayuq runakunatam yanapasaqku nispallam qullqita maskanku. Allinlla qatipaykusqaqa manayá chay qullqi tarisqankuwan llaqtapaqchu. Qullqi maskaq runakunam qullqichakunku, puchuchallantañam runakunaman chayan. Chayna kachkaptinpas qilla kaymanmi ayllu runakunata yachakarqachinku.

5. Suyukunapi llamkaq huñukuna

Lourdes Espinoza Kanchurinpa willakuytin

Tapukuy: Mama Lourdes, ¿Imaynataq llaqtaykipa kamachikuqni hawa kamachikuqkunawan rimanakun?

Kutichiy: Tukas llaqtaykupiqa anchatam sarawan papa wiñan. Watapim kimsa kutita tarpunku. Ñawpa watakunaqa Wanka Willka qatukunakupim ñuqaykupas kawsayniykuta qawachirqaniku. Wakintam qatuman runakuna qawanankupaq apaq kaniku wakintañataqmi qatu suyupa taqinanman aparqaniku. Chaypim paykuna huk suyukunamanta hamuq runakunaman kawsayniykuta qawachiqku. Allinnin kaq papatawan saratam qawachinankupaq apaq kaniku riki.

Kunanqa Hunin qatukusqanpim tarikuniku, paykunam allin sumaq sara muhukunawan yanapawanqaku, chayllachu wanutapas yaku taqina taqikunatapas apachimuwankum.

Mama Lourdispa rimasqanqa, manam tapukusqaytaqa kutichinchu, payqa llaqtanpi tarpukusqanmanta rimapayawanchik. Maypi maykunapi tarpuyninku rantikusqankumanta rimapayawanchik manam imallatas kamachikuqkunmantaga imatas ninchu.

Marya Sullka Wamanpa willakuytin

Tapukuy: Mama Marya, ¿Imaynataq llaqtaykipa kamachikuqni Wanka Willka suyu kamachikuqniwan rimanakun?

Kutichiy: Ñawpa watakunapiqa manam pimantapas llaqtayqa yanapakuyta chaskirqanchu. Waknaña manchakuypaq lluqlla hamukusqankuraykupas manam yanapawarqankuchu. Hayka kutitaya Wanka Willka suyu kamachikuqman mañakuyniykuta rimasparaq qillqasparaq mañakurqaniku. Huk kutim ichaq wayra wasiykupa qatanta apakusqanrayku kalaminakunawan yanapawarqanku. Chay watakunaqa ñuqam llaqtaypa kamachikuqnin karqani. Hinallataqmi kamachikuqkunata tarpukunaykupaq muhukunawan yanapawanankupaq mañakurqaniku. Yukaliptu muhuwan yanapawanankupaqmi mañakurqani, aswanmi paykuna yukaliptu muhuta wiñachispanku tarpunaykupaq uña yukalituchakunata quwarqanku. Hinallataqmi llaqtaykupi mana kapuqniyuq runakuna pisi qullqillawan mikunankupaq mañakurqaniku. Llaqtaypiqa 6 uña llaqtachakunapi rakinasqam karqan.

Sapakamapaqmi yanukuna wasi rikurinampaq llapa imaymanawan yanapawarqanku. Kaykunawanmi Wanka Willkapa kamachikuqnin llaqtaykuta yanapawarqanku. Kunanqa warmi kallpachasqa kanapaqpas llamkana kachkanñam. Kunanqa warmikunapas ruranakunata ruraspanku llamkanñam. Kikinkuña sachachakunatapas rantikunankupaq wiñachinku. Chayllachu, kamachikuqpa yanapakuyninwan kunanqa warmikunapas huk suyukunaman rurasqankuta qawachikustin illankuñam. Kaykunata ruraspankum qullqi huñuytapas yacharqunkuña.

Hatun tayta mamaykunam qarikunalla llamkasqankuta willawarqanku, paykuna nisqanmanhinaqa warmikunaqa chakrallapi wasillapis wawankuta uywaqku.

6. Anti warmikunapa kallpachakuyinin: Suyukunapi allichakusqan

“Empoderamiento de la mujer” nisqam llamkanantam suyukunapa umalliqninkuna paqarichirqanku. Kay llamkaypim warmikuna kikin munasqanmanhina kawsakunanpaq, kikillan qullqi tarikunanpaq ima yachachirqanku. Rimayniyuq kanankupaqmi yachachirqanku. Warmihina alliqninkunatam riqsichirqanku, chaymanhina manaña pipas usuchinanpaq, manaña pipas saruchananpaq.

Manam qariwan kuska chay kaqla qawasqachu karqanku, qarikunallam ima llamkaypipas kaqku, qarikunallam llamkaspankupas achka qullqita chaskiqku, warmikunaqa manam. Warmikunaqa sasatam llamkaytaqa tariqku, tarispapas pisi qullqillapaqmi llamkaqku. Millay unquy rikurimusqan watakunapas warmikunallam llamkayninkuta chinkachirqanku, qarikunaqa manam llumpaychu. Chayllachu, hinallaraqmi runakunapa umankupi kay yachay tarikun: warmikunaqa wasillapaqmi, warmikunaqa yanukunallanpaqmi taqsakunallanpaqmi, chaynam kachkanchik.

Kallpachakusqa warmikunaqa kikillankumantañam ayllu ukupipas yanapakunku. Manañam qarikunatapas, ñawpa watakunahinañachu manchakunku. Kunanqa kacharisqahinañam mana pitapas qipachaspaqa, mana pitapas pinqaypi churaspa ayllupi yapakunku.



Kallpachakuna ukunpi kaqkuna

Kaynin. Kayqa kaymantam rimachkan: sapa kutilla qullqi chaskiy, allpakuna, ruranakuna hinaspa makinakuna. Kaykuna kasqanmanhinam warmikunaqa kallpasapa qawakunku.

Yachay, ruray yachay. Yachayniyuq runaqa, yachaysapa warmiqa maypipas piwanpas manam saruchikunqachu. Yachayniyuq warmiqa hawkam kakun imapas rikurimuptinga manam chinkachinchu, chaynam qaripas, yachayniyuqkunaqa allin riqsisqam kanku.

Munay. Kallpaqa runapa ukunpim tarikun. Umanchikpim kallpaqa tarikun. Nunanchikpim kallpaqa tarikun. Imatapas munaspaga munasqanchikmanhinam tarinchik. Kaypim manchakuyninchik, kusikuyninchik, hawka kay, imayna qawakusqay, imayna manchakusqay kan.

Atipay. Atipayniyuq runaqa mana pitapas tapukuspam imatapas ruran. Mana manchakuspam ima llamkaymanpas churakun. Mana pipapas umachasqanmi, mana pipapas watasqanmi hawka purikun.

7. Hawa suyukunapi huñunakuykuna

Tayta Eusebio Chillikupa Willakuqa 66 watayuqñam, Pawqara llaqtapi, Wanka Willka suyupim kawsan.

Tapukuy: Tayta Watuku, ¿Imaynataq llaqtayki umalliq runa hawa suyukunapa kamachikuqninkunawan rimanakunku?

Ñawpa watakunaqa huk hawa ayllukunapa qullanankunawan llaqtanchik kamachikuqpa rimanakusqankutaqa manam uyariqanchikchu. Aswan huk watakunam ichaqa hawa suyukunamanta llamkanakuna chayakurqam. Mana imayuq runakunapaq atiyninkunata wiñachinankupaq munachiykuna chayamurqam. Hatun hawa yachay wasikunapi maqtakuna pasñakuna yachaynin qispichinankupaq yanapakuy hamurqan.

Kay llaqtaykumantaqa achkam Iwrupaman ripurqanku. Wakinkum kutimurqanku, wakinqa manañiam. Chaypaqmipi runakuna ancha wakcha kasqanku yachanankupaqmi tapukuykunata apachimurqanku, pikuna mana taytayuq mana mamayuq yachanankupaqmi tapukuykunata apachimurqanku. Wawqiyimi hawa suyuman ripukurqan, hinaspm kawsaypi llapa ima rikurisqan willakuqhinaña llaqtaykuman kutimurqan. Hawa hatun suyukunaman ñawinchaq rimanankupaq imakunatataq mañakurqanku. Kaykunallatam: pasaypaq mana imayuq kay hinaspa yachay wasinkupi yachaynin sumaq qispisqa kanallanta.

Kaymantam mama Marya Sullka Waman tapusqaymanta kutichiwarqan

Tapukuy: Mama Marya, ¿imaynataq llaqtayki umalliq runa hawa suyukunapa kamachikuqninkunawan rimanakunku?

Llaqtaypiqa manam kamachikuqkuna hawa hatun suyukunapa kamachikuqninkunawan rimanakunkuchu. Ñawpa watakunaqa awqahina kanankupaqmi ichaqa rimanakurqanku. Aya Kuchum ichaqa yachakuqkunata Aya Kuchu hatun yachay wasinpi munasqaykuta yachanaykupaq riqsichiwarqanku. Kaynam watasqahina llaqta kamachiqmanta karqaniku. Chakra tarpuymannmi wischukuykurqaniku. Wakin ayllukunaqa mana pipapas yanapasqanmi churinkunata wawankunata yachayninta qispichirqanku. Qullqitam, mikuytam churinkunaman wawankunaman apachiqku. Kunanqa imaymana yanapakuykunañam rikurirqamun. Manañam pipas qipanñachu. Ñuqayku payachakunaqa manañam chay yanapakuykunaman aypayta atinikuñachu.

8. Hawa llaqtakunawan rimanakuy

Kaymantapas tayta Eusebio Watuku Chillikum rimapayawasunchik

Tapukuy: tayta Eusebio, ¿imaynataq llaqtayki umalliq runa hawa suyukunapa kamachikuqninkunawan rimanakunku?

Llaqtaypiqa, ñawpa watakunapiqa umalliqnini karqani. Chay watakunaqa manam llikapura karqanchu, manam qayanakuna karqanchu. Kamachikuqkuna huñunakuya munaptiykuqa kikiymi achikyayllata wasin wasin rispay willamuq karqani. Willasqaymanhinam lliwchanku, karupi yachachkaspankupas, huñunakuypi kananku karqan.

Yachay wasikunaqa yachasqaykumanta karu karupim tarikurqanku, chaymi wakinkunaqa saqirqurqanku. Hukkunaqa Lima llaqtata ripukurqanku. Wakinkum kutimuqku wakinkuqa llamkayta tarirquspankum manaña kutimuqkuñachu. Kutimuqkunaqa Lima runa hinañam pachasqa hamuqku. Lima runahinañam puriqli, rimaqku, ñachqakuqku, mikuqku, takiqku. Ñuqaykuqa paykunapa rurasqanta qawaspaykum mana riqsispayku hakarayaqhina qawaq kaniku. Kunanqa aswanñam, manañam runa simi rimaytapas ayllu pachawan churakuytapas munankuñachu.

Mamaymi kaynata willawarqan: mamakuchakunas ima musuq yachaykuna yachaytapas manaña munasqakuñachu. Imachiki chayqa nispaq niqku. Ñuqapas manañam kunan imayna runakuna kawsasqankuwan hawkañachu kani. Warma kaptiyqa riqsisqa mana riqsisqa runakunatam kuyakuywan rimakuykuq kaniku. Kunanqa riqsisqa runallatañam qipa wiñaykunaqa rimakuykuspapas rimakuykunku.

Mikunaykupas chakramanta lluqsimuqllamá karqan. Chupitapas mana yuyuyuqllatam chupikuq kani. Manam haykapipas kuchuchikurqanichu. 5 wawayuqmi churiypas, 4 qayanayuqkama, hinaspapas yachay wasipim tarikunku. Unaykuptinqa piñakuchkanñam. Ñuñupaq wawaqa 5 watayuqñam, paypas mana qayanata quykuptiykiqa waqachkanñam. Mana qayanata qawachiptykiqa waqachkanñam. Imamá kayqa.

Sipaschakunañataqmi kayna
chiri pachapi aqsuchallanwan
purichkanku, Ñuñunkutapas
qawachikuqhinañam
pachakunku. Takiykunata
wañuchinakunankukama
uyarinku. Tayta
mamankunañam
churinkunata wawankunata
kasukunku.

Ñuqaykuqa mamaykupa
ñawinta qawaykuspallaykum
manchakuyllamanta imataps
ruraq kaniku, kunanqa
manañam.

‘Google’ nisqanmanhinaqa.
La ‘globalización’ simiqa,
qullqiman maskayman tiqsi
muyu tikrakusqanqa unay
unay kawsaymantaraqmi
hamun. Runakunapa musuq
hamutasqankunawan
imaymana makinakuna paqarimusqanmi lliw tiqsi muyu huk
llaqtahinalla qawakuchkan. Lliw tiqsi muyupi llamkanakunam
hukllawanakuchkanku, aswanmi rantinakuykunawan hinaspa
imaymana qullqi purisqanwan. Kay rikchaq ruraykunam
llamkayninmanta runakunata wischuchkan. Runaman rikchakuq
rurasqa runakunallañam llamkachkanku, chayraykum kawsaq
runakunapa manaña llamkay tarikunñachu.



Yachaykunapas hatun suyukuna rakinakusqan allpakunapim haywanakuchkanku. Hatun suyukunapa huñunakuyninqa manam qullqillapichu, manam llamkanallapichu rikurimun, takiykunapipas usansakunapipas, pacha qawaypipas rikurimuchkanmi. 1980 watapiraqmi kay tiqsi muyu huñunakusqanqa rikuriyta qallaykamurqan.

Borja hinaspa Castells runakunapas “*Lo local y lo global*” sutiyuq qillqasqa maytunpim kaynata nin: Imaymana willanakuykunawan llaqta qaway. Tinkinasqa tiqsi muyuyupa rikchakuyninjaq kaykunam: Lliw llaqtakunatam huñuparqun hinasapapas wakin runankunataqa hurquparquntaqmi.

Ñawpa kawsayninchik

Chanka Ayllupa kawsaynin

Wanka Willkapi yachaq runakunatam Chanka runakunamanta tapukuni, manam pipas riqsisqañachu. Huktaraq huktaraqmi paykunamanta tapukuni, yanqam chirwan wankikusqa, runakunapa kuyakuyninwan kallpachakusqa llaqtan llaqtan ñawpa kuraq tayta mamanchikkunamanta tapukustin purini. Llaqtallanku imayna rikurisqanmanta, llaqtankuman runakuna chayamusqanmantam ichaqa tayta mamankuta yuyarispa, hatun tayta mamankupa willakusqanta yuyarispa sumaqta willakunku.

1. Pikunataq karqanku



Chankakunaqa ancha ancha manchakuypaq piña piña awqakunam karqanku. Kallpanmanhinam, munayninmanhinam paykuna Tawantin Suyupi kaq llaqtakunata llaqtanman huñuya munarqanku. Kayta munaspankum Qusqu allpakamam chayarqanku, hinaspm Inkakunawanpas awqanakuymayan yaykurqanku. Chay awqanakuypim inkakuna, Pacha Kutiqpapu pusasqan, Yawar Pampa sutiyuq allpapi llallirqurqanku. Awqanakuymantam asqan Anqu Wallu, chankakunapa qullanan, yunka allpakunaman lluptirqurqan, hinaspm Lamas llaqtata paqarichirqan.

Chanka runakuna iñiyninmanhinaqa, pumapa churinkunas kankuman karqan. Pumapa rikchakuyninwan tupachikusqankuraykum paykunapas pumahina piña piña, wayrahina pawaykachaq, kallpasapa runakuna karqanku.

'Inka Garcilazo de la Vega' Chankakunamanta rimaspa kaynata nin. Liyun taytayuq kasqankutam llumpayta rimapakuqku. Kayraykum hatun rayminkupi liyunhina pachakurquspanku 24 runakuna tusuqku. Kaynam karqanku manaraq Inkakunawan llallichikuchkaspanku, hina kaynallataqmi Inkakunapa kamachisqan kachkaspankupas karqanku. Ñuqam kayna pachakusqa taytachapa rayminpi tususqankuta qawarqani, nispan willakun.

2. Maypitaq Chanka ayllu paqarirqan

Ñawpa unay unay ayllukunaqa paqarina sutiwanmi maymanta rikurimusqankuta suticharqanku. Chay paqarinakunaqa kanman karqan machaypas rumipas quchapas mayupas qaqapas wayqupas. Chaymi paykunaqa paqarimusqanku paqarinata anchata riqsikuspanku kuyakuywan hayqakuqku. Chaymi Inka ayllupas Tampu tuqumanta lluqsimusqaku, huk willakuymanhinaqa Titi Qaqa quchamantas lluqsimusqaku.



Chanka ayllupas, inkakunahinas, Chuqllu Qucha sutiyuq quchamanta lluqsimusqaku. Anqu Wayllu sutiyuq runas kay quchamanta lluqsimusqa. Kay quchaqa ancha ancha chiri sallqa allpapim, Wanka Willka suyupi tarikun. Kay quchamantam Pampas sutiyuq mayupas paqarin. Pampas mayuñataqmi Aya Kuchu hinaspa Apu Rimaq suyukunata rakin.

Waman Puma Ayalapa nisqanmanhinaqa Anqu Wayllu Chanka sutiyuq runas Chuqllu Qucha suituyuq quchamanta lluqsimusqa. Paywan kuskas 50 waranqa hunu runakuna lluqsimusqaku. Anqu Wayllu Chankam chay runakunata umallisqa, qullananhina kasqa. Payñataq Manku Kapaq kawsakusqan watakunapi Inka kayta munasqa. Chaysi Tupa Waqu paninta pantarqachispa Anka Wallu sutiyuq quasantu sipirqusqa.

‘Pedro Cieza de León’ sutiyuq runañataqmi kaynata Chanka ayllu imayna paqarimusqanmanta willakun. 1548 hinaspa 1549 watapis anta Waylla Ilaqtapi yachasqa, hinaspas chaypi kawsakuq runakunata tapupayasqa.

“taytaykuqa Chuqllu Qucha sutiyuq quchamantam lluqsimurqanku hinaspm llaqtakunata marqayninman huñustin purirqanku. Kaynam Chuki Pampakama chayarqanku hinaspm chaypi llaqtachakurqanku. Watakuna risqanmanhinañataqmi Anta Waylla Qichwa llaqtawan tupanakurquspanku awqanakuyman yaykurqurqanku. Paykunata llallirquspankum kunankama kay allpakunapa qullanankuhina qiparqunku.

Anqu Wayllum Chuqllu Quchamanta lluqsimuspm Anta Waylla runakunawan maqanakuspanku llallirqurqanku, hinaspm chay allpakunapi sapichakurqurqanku. Watakuna ripusqanmanhinaqa qipa qullanakunaqa kaynatam riqsichikuqku: ñuqapa taytayqa Anqu Wayllum nispas niqku.

Huk yachay maskaqkunapa siminpiqa Chankakunaqa manas Chuqllu Quchamantachu lluqsimurqanku, Chankakunaqa Chanka Wasi sutiyuq urqumantas lluqsimurqankuqa. Kaynatam nin ‘Alberto Bueno Mendoza’ Kunankamaqa Chuqllu Qucha quchamanta Chankakuna lluqsimusqantam yachanchik, quchapa waqta waqtallanpichiki yacharqanku. Aswan yachaykunata allin qatipaykusqaqa kimsa hatun urqukunam kan: Awki Chanka, Chanka Wasi hinaspa Chankachi. 40 watam yachaykunata maskastin purirqaniku, chaypim Chanka Wasiman chayrqnaku, yaqa 10 watam Chankachi sutiyuq urqupi karqaniku, chay urquqa Yawyuš llaqta, Chukus sutiyuq allpapim tarikun. Kanqachá punchaw Awki Chankaman chayanaykupaq, nispam nin.

Awki Chanka urqu aputaqa llumpaytam runakuna manchakunku. Imaymana willakuykunam kay apumanta kan. Yachasqaykumanhinaqa kay apuqa Chincha, Yawyuš hinaspa Wanka Willka suyukunapa allpanpim sayachkan. Tayta Alwirtupa nisqanmanhinaqa Awki Chanka simiqa kay ninansi: “Qullana Chankapa wasinsi, chanka runakuna umalliqa wasinsi.

Awki Chankaqa lliw runakunapa manchakunan apum. Manam pipas qunqanmanchu manataq pipas asikunmanchu. Runakuna willakusqanmanhinaqa urqu sikinkunapis tuñisqa wasikuna tarikun. Willka urqum, lliw apukunapa taytanmi. Urqu sikinkunapiqa waman ripa sutiyuq quram achkallaña wiñan, kay quraqa uhupaq chullipaqmi kusa.

Chayna kachkaptinpas hinallam huk yachaqkuna nisqanmanhinallam Chanka runakuna Chuqlu Quchapi paqarisqankumanta rimasaqku. Aswan, qipa hamuq watakunapiqa kaqninpi willakuykunata uyarchistin qawachistin Chanka runakuna Chanka Wasi allpapi paqarisqankuta riqsichisaqkum. Chanka Wasiqa Chupa Marka – Wanka Willka suyupim tarikun. Kaynatam nin tayta ‘Bueno Mendoza’. Hukkunaqa manam Chuqlu Quchamantachu, manataqmi Chanka Wasimantachu lluqsimurqankuqa kikin Anta Wayllaspi kaqkuna paykuna nispan nin ‘Barreda Murillo’.

3. Ima llaqtakunataq Chanka ayllu ñawparqan

Upa kayninchikpi, Chanka Ayllullachá chay watakunaqa kawsakurqanku nispa nichwan. Manam chaynachu. Chanka ayllu kawsakusqan watakunaqa huk ayllukunapas karqañam.

Chanka ayllu kallpachakusqan watakunaqa Wari sutiyuq llaqtam Tawantin Suyupi llaqtahina allinta wiñarqan. Hatun hatun llaqtam Warikuna karqanku. 500 watamanta 1000 watakaman allin takyasqa llaqtam karqan.



Wari llaqta kamachiq qullanaqa sumaq simiwan rimapayaspallanpas mana chayqa maqastinpas runakunata wañuchistinpas waqtankunapi kaq llaqtakunataqa llaqtan ukuman winaykamurqan laqaykurqan. Kaynata ruraspankum hatun hatun kallpasapa llaqtata qispichirqanku. Aswan wiñasqanmanhinataq sasachakuykunaman yaykurqanku. Kay sasachakuymi chinkachiyman Wari llaqtata aparqan.

Kay sasachakuykunam rikurimurqan

- Llaqta runakunawan chakra runakunam mana allintañachu qawanakurqanku.
- Wari kamachikuq tiyasqan llaqtam maqaspa sarunchasqa llaqtakunawan awqanakuyta qallaykurqanku.
- Warikunapa wichqasqan llaqtakunapa awqanakusqankupas.

Kay sasachakuykunam Wari llaqta iquyachiyta qallaykurqan. Kay sasachakuykuna allichayta mana atisqankuraykum Iliw Wari llaqta ukupi kaq llaqtakuna sayarispanku imaymana awqanakuyman yaykurqanku. Kikin Wari llaqtatam, huk llaqtakunatawanmi suwaspa kañarqanku, hinaspa runakunapas llaqtakunamanta ripukurqanku. 1000 watamanta 1100 watakaman kayna karqan. Kaymantam tayta ‘Mario Benavides Calle’ kaynata nirqan. 600 pachak watam Wari llaqta munaq mana munaq llaqtakunata ñakarichispa waytarirqan. Tarpuqkuna, michiqkuna, kullu llaqlaqquna, awaqqunam llinkiwan llamkunam Wari llaqtaman uraykamuspanku puchukarqurqanku.



Wari llaqta manaña kamachikuyta atiptimmi ukunpi kaq llaqtakuna rakikurquspanku, sapakama munasqanta rurakurqanku, wakinkum chinkarqurqanku wakin kunañataqmi aswan llaqtahina wiñayta munaspanku kallpachakurqanku. Kayna kawsaypim yaqa 300 wata karqanku. Kay llaqtakunam Chankakunawan kuska sapichakurqanku: Qulla llaqta, Inka llaqta, Wanka llaqta, yawyus llaqta, Sichura llaqta, Ashaninka llaqta, Anqara llaqta, Rakamuru llaqta.



Wari llaqta Piru suyupi
chutarikusqan

4. Chanka llaqta huk llaqtallachu karqan

Pampas, Turu Pampa mayu patankunapim uchuy llaqtachakuna rikurimurqanku, kay llaqtakunaqa mana allin allichakusqam karqanku. Chanka llaqtam kayna karqan. Kay llaqtam Aya Kuchu, Apu Rimaq hinaspas Wanka Willka allpakuñapi mastarikurqan. Aswan Chanka llaqta ukunpiqa manam chankakunallachu karqanku huk llaqtakunawan rimakuspankum huk llaqtahinalla rikurirqanku.



‘Luis Guillermo Lumbreras’ nisqanmanhinaqa Chanka aylluqa uchuy llaqtachallas karqan, Anta Waylla allpapis paykunaqa yacharqanku. Aswan wakin yachaqkunapa rimasqanmanhinaqa, manas tayta Luwisperu nisqanqa kaqninpichu kanman. Ispaña runakuna qillqasqanmanhinaqa Chanka aylluqa hatun hatun llaqtas karqan. Chankakunaqa huk llaqtakunawan



kuska huñunasqas karqanku. Puqrakunawan (Wamanqa), Anqarakunawan, Chupqakunawan (Wanka Willka), hinaspa huk ayllukunawanpas kuskas huk llaqtahinalla wiñasqaku. Kay huñunasqa llaqtakuna huk sapiyuqla, huk kawsayniyuqla, huk simiyuqla kasqaku. Apukunaman haywakusqankupas, rayminkupas, tarpuyninkupas, uywa uywasqankupas rikchakuqlas kasqa. Huk mama taytapa uywasqan churihinallas lliw llaqtakuna kasqaku.

Garcilazo De La Vega, maytunpiqa, qillqasqa kachkan. “Chanka llaqtaqa huk llaqtakunawan huñunakuspam huk llaqtahinalla kawsasqaku. Anqu Wayllu, Utunsulla, Uran Marka Willka llaqtakunawan iman huñunasqa kasqa. Hina kayllapitaqmi, Chanka llaqta Liyun taytanku kasqanta, chayrayku waqaychasqankumanta riqsikusqankumanta rimakusqanku. Kayraykus wakin runakunaqa raymikunapi. Irkulishinas, liyunpa qarawan pachakusqa, runapa umanñataqsi liyunpa uma qaran ukupi winasqa rikurin”.

“Garcilaso de la Vega runam kaynata willakun maytunpi.

Yuyaychanayki, Betanzos, Sarmiento, Montesinos hinaspa Pacha Kutiq runistikuna willakusqankumanhinaqa manaraq Inkakuna Qusqu suyupi sapichakuchkaptinkus Chanka ayllukuna Aya Kuchu allpapi chiqisqahina kawsarqankuña. Chanka sutiwansi riqsichikurqanku. Hinaspapas manaraq Chankakuna rikurimuchkaptinkuqa Anqu Wayllu, Ura Marka, Willka, Untunsulla, hukkunapas ñas kay allpakunapi kasqakuña.

Niykamusqaykichik, kay llamkaypiqa Chanka runakunamanta rimarimuchkan, paykunas Anta Waylla llaqtamanta hamusqaku, hinaspa chay unay unay qipa kawsay pachapiraq imaymana uchuy llaqtachakunawan huñunakuspanku huk hatun llaqtata paqarichisqaku. Kay llaqtaqa Anta Waylla sutiyuq allpapi takyarqusqaku. Kaynatam achka runista sutiyuq runakuna willakun.

González Carré, Enrique, runa Chankakunamanta maytunpi qillqasqanta ñawinchay. Chanka llaqta ukupi huñunasqa llaqtakunaqa kikillankumantas kawsakurqanku. Awqanakuy pachallapis huk llaqtahinalla rikuriqku. Lliw llaqtakuna mana allin huñunasqa kasqankuraykus achka umalliqa kaq, paykunas awqanakuy ukupipas hawka kay pachapipas rimariqku. Paykunaqa Wakakunapis iñiqku, shamanwan (yachaq) riqsisqa runakunas Wakakunata qawaqku. Kay llaqtapiqa manam aputukuq runakuna, kamachikuq runakuna, uyarikuq runakuna karqanchu, chayhinallas lliwchanku karqanku. Ayllu umalliq runakunallatas uyarikuq. Manas kananhina llaqtakunapi allichakusqachu kawsaqku, sallqahinas karqanku. Inkakunañataqsi allin sumaq allichasqa llaqtapi kawsakurqanku, manas purun uywahinachu karqanku, kamachikuykunayuqsi kasqaku. Llamkana wasikunas kaq, kaykunas runakuna hawka kawsanana paq qawaqku. Inkakunapa qawasqanmanhinaqa Chanka ayllukunaqa pasaypas llutan allichakusqas kawsakusqaku, sallaqa uywakunahinas kasqaku, hukniraq usansayuqsi kasqaku. Inkakunañataqsi Chanka runakunapa hukniraq uyan kasqa. Allin allichakusqa, allin rimayniyuq, chuya kamachiyniyuq, lliksi ima allin kasqanta ima mana allin kasqanta riqsiqku hinaspa chaymanhina kawsakuqku.

Kaynaqa, Chankakunaqa huk hatun llaqtam karqan. Chanka llaqta ukupim achka ayllukuna huñunakurqanku. Imaymana yachaykunapi rikchanakusqankuraykum huk llaqtahinalla purirqanku. Chay watakunapi rikchanakusqankuqa kunankama hinalla kawsakuchkan. Simi rimasqankuqa kunankaman rimasqa tarikun. Manachiki ñuqanchikhina kastilla simiwan taqrustinchu rimarqanku. Paykunaqa kikin simitachá riki kallpawan rimarqanku. Ñuqanchikqa kastilla simiwan chaqruspañam rimanchik. Apukunaman haywakuypas hinallatam uywachkanchik, wasi pirqaykunapas chakra tarpuykunapas uywa uywaykunapas hinallam kunan llaqtanchikkunapi allin sapichakusqa tarikun.

5. **Ima rikchaq allpakunapitaq wasichakurqanku**

Chanka ayllukunaqa manam yanqanpiqa wasichakurqankuchu. Paykunaqa allpa muqukunapi, uchuy urqupa umankunapim, runa mana yaykuy atinan allpakunapim llaqtankuta sayachirqanku. Imaraykutaq mana pampa allpakunapiqa, mayu patankunapi mana llaqtachakurqankuchu.



Kaymantaqa kaynatam tayta ‘Enrique Gonzalez’ nin. Chanka runakunaqa manchakuypaq muqu urqukunapiqa wasichakurqanku awqanakuy pachakunapi awqakuna llaqtankuman mana yaykuy atinankupaqmi. Hanay muqukunapi wasichakusqankuraykum sumaqta pi llaqtankuman asuykamuqtapas lluqsiqtapas qawaqku. Hanay muqukunamanta waqtankupi kaq llaqtakunata sapa kutilla qawapaqku. Hinaspapas, awqanakuy punchawkunapiqa awqankunamanta mana llumpayta sasachakuspankum amachakuqku, hanaypi kasqankuraykum awqankunata ayqichiqku. Mana awqanakuy punchawkunañataqmi hanay wasiyuq kasqankurayku tarpukuyinkunata uywankunata mana sasachakuspankulla qawaqku.

6. May suyukunapitaq sapichakurqanku

Yachaqkunapa willakusqankumanhinaqa, Wanka Willka, Aya Kuchu, Apu Rimaq suyukunapis Chankakunaqa kamachikurqanku. Wanta llaqtamanta Apu Rimaq suyupi Pacha Chaka mayukamas kamachikusqan chutarikurqan. Pampas mayu purisqan lliw allpakunapis kamachikurqanku. Tayta Víctor Navarro del Águila nisqanmanhinaqa, lliw kamachikusqan allpakunapiqa 150,000 runakunas kawsarqanku. Anta Waylla allpapis aswan achka achka runakuna yacharqanku. Kay llaqtas chay watakunaqa allinta waytarirqan.

Tayta Róger Ravinispas kaynatam nin. Pampas mayu may chutarikusqanpim Chankakuna llaqtachakurqanku. Anqara, Chukurwus, Waytara, Arma, Awrawa, Tikrapu (Wanka Willka) allpakunapim allin sapichasqa Chanka ayllu karqan. Aya Kuchupiñataqmi, Lukanaspi, Wamanqapi, Kanqallupi hinospa huk llaqtakunapipas allin takyasqam karqanku. Apu Rimaqpiñataqmi Anta Wayllapi, Chinchiruspi takasqa karqanku.

‘Luis Gonzales’ nisqapi hinapas Chanka aylluqa hatun hatun allpapim sapichakurqan. Chay allpa ulkupiqa imaymana rikchaq allpakunam,



karqan. Rupaq allpakunaraq, quñi allpakunaraq, chiri allpakunaraq, rankachu allpakunaraqmi karqan. Hinaspas chay allpakunapiqa imaymana kawsaykunam karqan. Runakunapas imaymana aylluuyukunam karqanku.

7. Chankakunawa inkakuna awqanakusqan

Tayta Brundage willakusqaqnmanhinaqa Qusqu llaqta muyuriqniñ allpakunapis awqanakuy apakurqan. Kay awqanakuymi Awya Yala llaqtakunapa kawsayninta wiñaypaq muyurqachirqan.

Chanka awqakunaqa llaqtanku wiñachiyya munaspankum Anta Wayllamanta Qusqu llaqtakama rirqanku. Purisqankupim uchuy llaqtachakunaman chayaspankuqa munaq mana munaqwan yanapachikustin Inkakunapa tiyasqan allpakama chayarqanku. Inka runakunawanqa unayñam chiqninakurqanku.

Qusqu llaqta kamachikuq runakunaqa, chankakuna allpankupi kasqanta yacharquspankuqa yaqa lliwchankum llaqtamanta pakakuspa



ayqikurqanku. Aswan, Inka Yupanki sutiyuq maqtam taytan ayqikusqanta qawaspa Qusqu awqakuna umalliyya qallaykurqan, hinaspm chankakuna kutipakuya qallaykurqan.

Apukunapa yanapakuyninwan (wakakunas runaman tikrakurqusqaku) maqtallaraq inkaqa chankakunata atiparqusqa, chankakunata llallirqusqa. Chaymantapunis inkakunaqa mana pipapas llaliy atinan tukupusqaku.

Chanka llallisqankuqa, chanka wischusqankuqa hakarayasqahinatam lliw runakunata saqirqun. Manam pipas inkakuna kayna maqasqankutaqa maypipas qawarqankuchu chay watakamaqa. Chay llallisqanku punchawmi inkakunaqa musuq kawsayman paqarirqamurqanku.

1532 watapi, Ispaña runakuna inkakunamanta willakuykuna huqarisqankupim chankakunamantapas rimanku. Aswan chay willakuykunapiqa anchatam chankakunawan inkakuna maqanakusqankumanta willakuchkaspapas manam imayna chanka llaqtakuna kawsakusqankumantaqa rimankuchu.

1996 watapi ‘Betanzos’ willakusqanmanhinaqa awqanakuy tukupiqa waranqantin waranqantin runakunas iskaynin huñupi maqanakunkuman karqan. Chanka awqakunaqa Qusqu llaqtaman yaykumusqankumanhinaqa llumpaytas pantarqanku. Chayraykus inkakunawan llallichikunkuman karqan. ‘Sarmiento de Gamboa’ nisqanmanhinaqa inkakunas chanka runakuna pampapiña kaptinqa qarankuta hurquspankus puriq runakunaman qawachirqanku. Kayna awqanakuymanta willakuchkaspankupas manam

imayna imarayku chankakunaqa Anta Waylla llaqtamanta Qusrukama wiñasqankumantaqa rimankuchu.

Ispaña runakuna Tawantin Suyu allpaman chayamuspankuqa inkakuna chankakunata llallisqallamantam rimasqaku. Inkakunapa willakuyinpiqa iskay kimsa inkakunallamantañam hayllikunata takisqaku.

Markham, Arca Parró, Navarro del Águila, Guillén, Rostworowski, Pardo, Schaedel hinaspa Niles sutiyuq runakunam chankakuna inkakunawan maqanakusqankumanta yachaykunata maskarqanku. Paykunam kastilla runistikunapa willakusqanta ñawichaspanku, tupachispanku imayna chay maqanakuy kasqanta allwirqanku. Yachaykuna maskasqankumanhinaqa chankakunas huk llaqtakunawan hukllanakunkuman karqan. Chay llaqtakunaqa kanman karqan puqrakuna, suraskuna, lukanaskuna, willkas wamankuna, anqarakuna, chupqakuna, astukuna, ima.

Yaqa lliw yachay maskaqunam inkakunallamanta rimarqanku chankakunamantaqa manam imatapas willakunkuchu.



8. Chankakuna inkakunawan maqanakusqankumanta qatipay

Imayna chankakunawan inkakuna maqanakusqankumantaqa manam kunankama allintaqa yachakunchu. Manam iskay willakuykunahina chayllamanta rimaq kanchu. Sapa willakuqmi yachasqanmanhina willakun. Chaymi tupachiytapas yachay maskaqtuna atinkuchu. Aswanmi sapa willakuqkunapas hukninta qipachaqhina willakun. Hinaspapas maqanakuymanta willakuqkunaqa Qusqu runakunam karqanku. Qillqaqkunapas Qusqu runakunapa willakusqantam qillqarqanku. Manam kikin chankakuna willakusqantaqa tarinchikchu. Kayna kaptinqa, kunankama willakuykuna ñawichasqanchikqa manam kikin chankakuna willakusqankutaqa tarinchikchu, lliwchankum Qusqu runakunapa uyariy munasqallankuta ñawinchanchik.

Chankakuna inkakunawan maqanakusqanmantaqa achka yachay maskaqtuna mana llumpay willakuy kaptin pisillata qillqarqanku. Aswan chay watakunallaqa lliwmi inkakunapa uyariy munasqankuta, kusichiqhina achkata qillqarqanku. Kaynam ‘Betanzos’, qichwa simi allin rimaq runa, inka warmiwan kuskachakuq runa 5 taqapi inkawan chanka maqanakusqanmanta qillqarqan. Hinallataqmi ‘Sarmiento’ sutiyuq runapas 8 taqapi inkakunapa llallisqanmanta willakun. Lliw willakuykunapim inkakunamanta patinti kallpasapa kasqankuta willakunku. Paykunahinaqa manañas mayqan llaqtapas kanmanchu karqan.

Betanzos willakusqanmanhinaqa kaynatas maqanakuy punchawta yuyarispaku Pachakuti Inkata yuyarispaku inka ayllu takiqku: “Qusqu llaqta kanchan chawpinpim tinya waqachiyya qallaykurqanku, hinaspam lliw warmikuna takiyya qallaykurqanku. Takisqankupim kaynata niqku: Usqu Willkam (chanka) hamurqanchik hinaptinmi Wira Qucha Inka hinaspam Inka Yupanki hapirquspanku wañurqachirqanku. Tayta Intim churintahina yanapawanku, hinallataqmi wakin umalliqkunatapas hapirqanku, hinaspam wañurqachirqanku, chaynam chankakunata wischurqanku”. Manam kay takisqankupiqa mayqan chanka runapa sutinta rimankuchu, inkakunapa sutillantam rimanku.

Chankakunawan inkakuna maqanakusqankuqa kayna ruraykunapim rakinakun:

- Chankakunam Qusqu llaqta muyuriqninkunaman chayamunku, hinaptinmi Wira Qucha Inka llaqtamanta lluqsirqun.
- Pacha Kuti Inka Yupanki, Wira Quchapa sullka churin, hina llaqtapi qipan, hinaspm chankakunamanta amachan. Musquyninpim chankakuna llallinanpaq qawan.
- Ñawpa maqanakuyqa Qusqu llaqta muyuriqninpi ¿Chay maqanakuypim allin riqsisqa kaq chankakunata wañurqachinku hinasapas wakankunatam qichurqunku.
- Iskay maqanakuypim chankakunata wiñaypaq llallirqunku, kaypim tukun maqanakuy.
- Chankakunata llallirquspm Pacha Kuti Inka qusqukunapa qullananhina rikurirqun, chaymantam hapichikuq chankakuna, manaraq wañuchkaspa, ñawpaqninta purinku.

9. Apukunapi, taytachapi iñiywan kallpa

Kawsayninkumanta,
rurasqankumanta,
imapas llallisqankumanta
willakunankupaq ñawpa
llaqtakunaqa mitukunatam,
ñawpa willakuykunatam
qispichirqanku. Mituqa
umallapi paqarichispam ima
ruraykunatapas riqsischin;
ñawpa willakuyñataqmí
mana ruray atina

kawsaykunamanta willakun. Iskaynin willakuykunawanmi ima llaqtapas imayna rikurisqankumanta, imapas rurasqankumanta riqscichikunku. Watan watan willakusqa kasqanraykum llaqtapa yuyayninman yaykurquspm kunankama kawsakun.



Chankakunapa hinaspa inkakunapa maqanakusqankutaqa mitupas kanmanhinatam, ñawpa willakuypas kamanhinatam Ispaña runakunaman Qusqupi kaq runakuna willakurqanku, hina chaytaqmì kunan punchawkamapas ñuqanchikman willakuy chayamuwanchik. Lliw ñawpa willakuykunam chiqa awqanakusqankumanta, maqanakusqankumanta paqarimun, chay willakuykunam pacha ripusqanmanhinaqa willakuqkunapa siminpi muyuya qallaykurqan, chaykunañataqmì Ispaña runakunapa umanpiqa paykunapa hamutasqanmanhinaña allichakurqurqan. Chaymi ñuqanchikqa Ispaña runistakunapa willakusqantaqa imayna maqanakuy apakusqantahina ñawichananchik. Chay willakuytaqa Wari llaqta chinkasqan qipatam hinaspa Inkakuna manaraq rikurimuchkaptin ñawpaqninpim chankakunata tarinanchik. Chankakunaqa Wari llaqta ripuya Inka llaqta manaraq sapichakuchkaptinmi kawsakurqanñam.

Wanka Willka suyu ukupim “Castrovirreyna” sutiyuq llaqta tarikun. Kay sutitaqa Ispaña runakunañam churarqan. Ñawpa sutinga Qullqi Pallqam karqan. Wakin runakunaqa Chuqllu Qucham sutinga karqan nispataqmì ninku. Qullqi Pallqa sutiyuq llaqtachaqa riti urqukunapa sikinpim tarikun. Riti chullumuspanmi quchakunata rikurichimurqan. Chuqllu Qucham huknin qucha. Kay quchamantañataqmì Pampas mayu paqarimun.





Chuqllu Quchawan kuskam Urqu Qucha tarikun. 6 uchuy quchachakunapas kachkantaqmi. Sapa quchan huk ñawpa willakuywan tinkun. Kay willakuykunam ñawpa llaqtakunatawan kunan anti llaqtakunata huñun. 15 urqukunam quchakunata muyuchkan. Kay urqukunapiñataqmi machaykuna tarikun. Kay machaykunapiqa runakunapa chanka tullukunam hinaspas uma tullukunam qawakun. Awasqankupas, waska rurasqankupas, punchukunapas kachkansi, tarikunraqsi.

Kunankamapas wasi rurasqankupa tiyananpas kachkanraq, paykunaqa muyutahinam, suytutahinam wasichakusqaku. Imayna rurasqanku, imakunawan pirqasqankuqa chankakunapa rurasqanhinallam, chaymi ñawpa chankakunapa llaqtankunawan yachay maskaq runakuna tinkuchinku. Sapa machaypim ayakuna pampasqa kachkan. Hatun palta rumikunam chay huñunasqa tullukunata pakachkan.

Chankakunapaqqa Chuqllu Quchaqa manam tiyananku allpallachu karqan. Chuqllu Quchaqa apukunawan rimanakunanku pacham karqan.

Chaychusmi chay machaykunapi ayankuta pamparqanku. Ayanku pampanankupaq allpa kasqanqa chaytam riqsichiwachkanchik.

Chankakunawan Inkakunaqa allpamantam, allpakunapi pi kamachikunanmantam awqanakurqanku. Chay watakunkamaqa Wari runakunam ancha hatun allpakunapi kamachikurqanku. Paykunam imayna llaqtachakuya, imayna apukunawan kawsakuya, imayna pacha awayta, tarpuya ima wakin llaqtakunaman yachachirqanku.

Chankakuna inkakunawan maqanakuypi, awqanakuypi llalliptinkuqa, Ispaña runakunaqa huk niraq llaqtatacha tarinkuman karqan. Manach 1532 wata "Pizarrupa" tarisqan llaqtakunata hinatachu. Chankakunawan inkakuna maqanakusqanqa manam allpa qichunakuylamantachu, pi kamachinan kasqanllamantachu karqan. Paykunaqa llallinakurqanku, maqanakurqanku imayna pacha qawasqankumanhina llaqta purichinankuraykum. Imayna llaqta runakuna allichakusqa rakinasqa munasqankuraykum. Iskaynin llaqtapa munayninkuqa manam tuparqanchu, hukniraqkunam karqan.

Iskaynin llaqtam quchamanta lluqsimunku. Iskayninkum ancha riqsisqa may tiyasqankupi karqanku. Chankakunam Qusqumanta Chinchay suyuman rinapi, Chullu Qucha allpapi, kay qucham ancha kuyasqa manchasqa karqan. Inkakunañataqmi Qusqumanta Qulla suyuman rina quchamanta paqarimurqanku, Titi Qaqa sutiyuq quchamantam lluqsimurqanku.

Titi Qaqa quchahinam Chullu Quchapas anti runakunapaqqa ancha riqsisqam karqan. Kaynatam tayta "José de Arriaga" willakun. Ispaña runakuna llaqtachakusqan punchawkunapiqa Kurpus raymipis qichwa runakuna iskay llamata apaspanku Chullu Quchapaqpas Urqu Quchapaqpas nakapuqku. Llamanku, paqunku chay allpakunapi kawsasqanraykus sutinpi nakapuqku.

Tayta "Cristóbal de Abornoz" willakusqanpiqa kaynatam nin. Chullu Quchaqa Waytara punkupi tarikuq hatun qucham. Anchamat kay quchata runakuna kuyanku. Kaymantam mayukuna lluqsin. Paypaqmi achka uywakunata nakapuqku. Quchapa muyuriqinkunapim achka achka qullqi kan, nispam qillqarqan.

Chay watakunaqa iskaynin quchakunam ancha riqsisqa karqanku. Kunan punchawkunaqa Titi Qaqallamantam rimanku, Chuqlu Quchamantaqa manañam ancha rimankuñachu. Inkakunam Chankakuna llallisqanrayku munasqankumanhina ima willakuykunatapas paqarichirqanku. Paykunam wakin llaqtakuna usuchiqhina kikinkupa kawsaynimanta allinllata rimarqanku.

Chanka runakunaqa Mama Pachataqa ayllu paqarichiq runakunahinam qawarqanku. Chanka ayllu paqarichiq runakunaqa Anqu Willkawan Usqu Willkam karqanku. Anqu Willkam Urin Chanka sutiyuq aylluta paqarichirqan; Usqu Willkañataqmi Hanan Chanka aylluta paqarichirqan. Paykunataqa pachasqa rumitahinam riqsichirqanku. Runatahina pachachispankum may risqankuman apaqku. Anqu Willkam Urin Chanka runakunapa Wakan karqan. Huk rumim karqan, chaytam maymanpas apaykachaqku hinaspapas chay Wakaqa wasiyuqmi karqan.



Usqu Willkañataqmi Hanan chankakunapa wakan karqan. Paytapas kayman chaymanmi apaykachaqku. Kaynatam tayta Cristóbal de Albornoz sutiyuq runa riman. Tayta “Duviols” runañataqmi kaynata nin: “Usqu Willkaqa runahina pachachisqa rumim karqan. Anta Waylla allpapim paypa wasin karqan”, nispa.

Anqu Willkataqa Anqu
Aylluwanpas suticharqankum.
Hinallataqsi Anquwayllu sutiyuq
ayllupas kasqataq.

Chanka runakunataqa yunka
runakunawanpas tupachinkum.
Yachay maskaq runakunapa
nisqanmanhinaqa, Usqu Willka
llaqtanman huk llaqtakunata
hukllanayta munaspansi yunka
allpaman Yana Willka hinasp
Tuqillu Willka sinchinkunata
kachan. Paykunam yunka
ayllukunata Chanka ayllu
ukunman apamurqanku. Kikin
“Juan de Betanzos” nin: “...
chiriwayus llaqtakama...
Yana Willkawan Tuqillu Willka
chayasqaku...”. Chiriwayukunaqa
Warani hatun ayllumantam
hamunku, paykunaqa yunka
allpapim llaqtachakurqanku.
1000 watapiraqsi allpankumanta
Tawantin Suyu allpaman lluqsimusqaku. Chay watakunataqsi chankakunapas
yachasqan allpamanta huk allpakanaman lluqsiyya qallaykusqaku.









Qillqasqa maytukuna

De La Vega, G. (1996). El hombre de los andes. En File:///E:/bibliografía/relatos.pdf

González Carré, E. (2004) Historia mitos y leyendas. file:///e: historia del pueblo chanka.pdf

Espinoza Soriano, W. (2017). El reino chanka. File:///E:bibliografía/los%20chancas.

Nir, A. (2008). Anca Uallo Chanca. file:///e:/ historia del pueblo chanka - 2.pdf

Huertas vallejo, L. (1990). Procesos distributivos en los andes. file:///e/bibliografia/historia%20-%203.pdf

Palomino Dongo, C. (2007). Proceso de composición y titulación de tierras – Perú.

Librería solo para fumadores [CHIRAPA] (10 de febrero de 2022). Los terribles chancas. [Video]. You Tube. <https://www.youtube.com/watch?v=prwYhU9k0os>

Ecos latinos [CHIRAPA] (10 de enero de 2009). Los chancas. [Video]. You Tube. <https://www.youtube.com/watch?v=Mj8m5HnyWc0>

Ceraujo, C., Yzaguirre, A. y Quispe, E. (2012). Manual de gestión para organizaciones comunales. https://biblioteca.clacso.edu.ar/Peru/desco/20170222031857/pdf_42.pdf

Tzul, G (2016). Sistemas de gobierno comunal indígena: La organización de la reproducción de la vida. <http://www.catedrainterculturalidad.cucsh.udg.mx/sites/default/files/sgcitzul.pdf>

Asociación Educativa Saywa. (2010). Módulo de capacitación en la cultura andina y lengua quechua.

Mujica, L. (2022). Las formas de corrupción en los andes. Waqlliy willaykuna, la corrupción en mi pueblo.

Lozada, B. (2006). Cosmovisión, historia y política en los Andes. <https://repositorio.umsa.bo/bitstream/handle/123456789/16465/Cosmovision%2C%20historia%20y%20pol%C3%ADtica.pdf>

Kessel, J. y Condori (1992). Criar la vida: Trabajo y tecnología en el mundo andino. <https://idoc.pub/documents/j-van-kessel-condori-cruz-criar-la-vida-trabajo-y-tecnologia-en-el-mundo-andino-6nq8gyrkznw>

Grillo, E. (1996). Caminos Andinos de siempre.

Asociación Bartolomé Aripaylla [ABA]. (2012) Ser Autoridad: Llaqtapa tayta maman kay . <https://img1.wsimg.com/blobby/go/60261af2-caed-416e-afac-2e968c88e8ad/Boletin%2005.pdf>

Proyecto Andino de Tecnologías Campesinas [PRATEC]. (1988). Tecnologías campesinas de los andes <https://www.pratec.org/wpress/pdfs-pratec/Tecnolog%C3%ADAs-campesinas-de-los-andes-vp2.pdf>

Tzul, G. (2019). La forma comunal de la resistencia. <https://www.revistadelauniversidad.mx/download/ab2b7948-fc14-4db0-9930-34962cc66312>

Martínez, L. (2003). El campesino andino y la globalización a fines de siglo: una mirada sobre el caso ecuatoriano. <https://www.flacsoandes.edu.ec/agora/el-campesino-andino-y-la-globalizacion-fines-de-siglo-una-mirada-sobre-el-caso-ecuatoriano>

Van Kessel, J. y Enríquez, P. (2020). Señas y señaleros de la madre tierra. Agronomía andina. Lima.

Asociación Educativa Saywa. (2023). Harkasqa, pakasqa yachaykuna. Secretos y prohibiciones en la cultura andina. Andahuaylas.

Pomacanchari Yucra, Paulino. (13 de diciembre de 2023). Pueblo quechua. [Audio] / Entrevistado por Riyna Aguilar Quispe.

Quichua Canchari, Nilda. (13 de diciembre de 2023). Pueblo quechua. [Audio] / Entrevistado por Riyna Aguilar Quispe.

Cuba Quispe, Feliciano. (16 de diciembre de 2023). Pueblo quechua. [Audio] / Entrevistado por Riyna Aguilar Quispe.

Quispe Haulis, Hipólito. (16 de diciembre de 2023). Pueblo quechua. [Audio] / Entrevistado por Riyna Aguilar Quispe.

Quispe Urbano, Julianita. (30 de diciembre de 2023). Pueblo quechua. [Audio] / Entrevistado por Riyna Aguilar Quispe.

Común Quispe, Máximo. (10 de enero de 2024). Pueblo Chanka. [Audio] / Entrevistado Rocío Loayza Huamán.

Marcañaupa Lima, Teodoro. (15 de enero de 2024). Pueblo Chanka. [Audio] / Entrevistado Rocío Loayza Huamán.

Cuellar Llaqtahuaman, Cipriana. (11 de enero de 2024). Pueblo Chanka. [Audio] / Entrevistado Rocío Loayza Huamán.

Quichca Huayllani, Segundina (22 de enero de 2024). Pueblo Chanka. [Audio] / Entrevistado Rocío Loayza Huamán.

CARTA DEMOCRÁTICA INTERAMERICANA

I La democracia y el sistema interamericano

Artículo 1

Los pueblos de América tienen derecho a la democracia y sus gobiernos la obligación de promoverla y defenderla. La democracia es esencial para el desarrollo social, político y económico de los pueblos de las Américas.

Artículo 2

El ejercicio efectivo de la democracia representativa es la base del estado de derecho y los regímenes constitucionales de los Estados Miembros de la Organización de los Estados Americanos. La democracia representativa se refuerza y profundiza con la participación permanente, ética y responsable de la ciudadanía en un marco de legalidad conforme al respectivo orden constitucional.

Artículo 3

Son elementos esenciales de la democracia representativa, entre otros, el respeto a los derechos humanos y las libertades fundamentales; el acceso al poder y su ejercicio con sujeción al estado de derecho; la celebración de elecciones periódicas, libres, justas y basadas en el sufragio universal y secreto como expresión de la soberanía del pueblo; el régimen plural de partidos y organizaciones políticas; y la separación e independencia de los poderes públicos.

Artículo 4

Son componentes fundamentales del ejercicio de la democracia la transparencia de las actividades gubernamentales, la probidad, la responsabilidad de los gobiernos en la gestión pública, el respeto por los derechos sociales y la libertad de expresión y de prensa. La subordinación constitucional de todas las instituciones del Estado a la autoridad civil legalmente constituida y el respeto al estado de derecho de todas las entidades y sectores de la sociedad son igualmente fundamentales para la democracia.

Artículo 5

El fortalecimiento de los partidos y de otras organizaciones políticas es prioritario para la democracia. Se deberá prestar atención especial a la problemática derivada de los altos costos de las campañas electorales y al establecimiento de un régimen equilibrado y transparente de financiación de sus actividades.

Artículo 6

La participación de la ciudadanía en las decisiones relativas a su propio desarrollo es un derecho y una responsabilidad. Es también una condición necesaria para el pleno y efectivo ejercicio de la democracia. Promover y fomentar diversas formas de participación fortalece la democracia.

II La democracia y los derechos humanos

Artículo 7

La democracia es indispensable para el ejercicio efectivo de las libertades fundamentales y los derechos humanos, en su carácter universal, indivisible e interdependiente, consagrados en las respectivas constituciones de los Estados y en los instrumentos interamericanos y internacionales de derechos humanos.

Artículo 8

Cualquier persona o grupo de personas que consideren que sus derechos humanos han sido violados pueden interponer denuncias o peticiones ante el sistema interamericano de promoción y protección de los derechos humanos conforme a los procedimientos establecidos en el mismo. Los Estados Miembros reafirman su intención de fortalecer el sistema interamericano de protección de los derechos humanos para la consolidación de la democracia en el Hemisferio.

Artículo 9

La eliminación de toda forma de discriminación, especialmente la discriminación de género, étnica y racial, y de las diversas formas de intolerancia, así como la promoción y protección de los derechos humanos a los pueblos indígenas y los migrantes y el respeto a la diversidad étnica, cultural y religiosa en las Américas, contribuyen al fortalecimiento de la democracia y la participación ciudadana.

Artículo 10

La promoción y el fortalecimiento de la democracia requieren el ejercicio pleno y eficaz de los derechos de los trabajadores y la aplicación de normas laborales básicas, tal como están consagradas en la Declaración de la Organización Internacional del Trabajo (OIT) relativa a los Principios y Derechos Fundamentales en el Trabajo y su Seguimiento, adoptada en 1998, así como en otras convenciones básicas afines de la OIT. La democracia se fortalece con el mejoramiento de las condiciones laborales y la calidad de vida de los trabajadores del Hemisferio.

III Democracia, desarrollo integral y combate a la pobreza

Artículo 11

La democracia y el desarrollo económico y social son interdependientes y se refuerzan mutuamente.

Artículo 12

La pobreza, el analfabetismo y los bajos niveles de desarrollo humano son factores que inciden negativamente en la consolidación de la democracia. Los Estados Miembros de la OEA se comprometen a adoptar y ejecutar todas las acciones necesarias para la creación de empleo productivo, la reducción de la pobreza y la erradicación de la pobreza extrema, teniendo en cuenta las diferentes realidades y condiciones económicas de los países del Hemisferio. Este compromiso común frente a los problemas del desarrollo y la pobreza también destaca la importancia de mantener los equilibrios macroeconómicos y el imperativo de fortalecer la cohesión social y la democracia.

Artículo 13

La promoción y observancia de los derechos económicos, sociales y culturales son consustanciales al desarrollo integral, al crecimiento económico con equidad y a la consolidación de la democracia en los Estados del Hemisferio.

Artículo 14

Los Estados Miembros acuerdan examinar periódicamente las acciones adoptadas y ejecutadas por la Organización encaminadas a fomentar el diálogo, la cooperación para el desarrollo integral y el combate a la pobreza en el Hemisferio, y tomar las medidas oportunas para promover estos objetivos.

Artículo 15

El ejercicio de la democracia facilita la preservación y el manejo adecuado del medio ambiente. Es esencial que los Estados del Hemisferio implementen políticas y estrategias de protección del medio ambiente, respetando los diversos tratados y convenciones, para lograr un desarrollo sostenible en beneficio de las futuras generaciones.

Artículo 16

La educación es clave para fortalecer las instituciones democráticas, promover el desarrollo del potencial humano y el alivio de la pobreza y fomentar un mayor entendimiento entre los pueblos. Para lograr estas metas, es esencial que una educación de calidad esté al alcance de todos, incluyendo a las niñas y las mujeres, los habitantes de las zonas rurales y las personas que pertenecen a las minorías.

IV Fortalecimiento y preservación de la institucionalidad democrática

Artículo 17

Cuando el gobierno de un Estado Miembro considere que está en riesgo su proceso político institucional democrático o su legítimo ejercicio del poder, podrá recurrir al Secretario General o al Consejo Permanente a fin de solicitar asistencia para el fortalecimiento y preservación de la institucionalidad democrática.

Artículo 18

Cuando en un Estado Miembro se produzcan situaciones que pudieran afectar el desarrollo del proceso político institucional democrático o el legítimo ejercicio del poder, el Secretario General o el Consejo Permanente podrá, con el consentimiento previo del gobierno afectado, disponer visitas y otras gestiones con la finalidad de hacer un análisis de la situación. El Secretario General elevará un informe al Consejo Permanente, y éste realizará una apreciación colectiva de la situación y, en caso necesario, podrá adoptar decisiones dirigidas a la preservación de la institucionalidad democrática y su fortalecimiento.

Artículo 19

Basado en los principios de la Carta de la OEA y con sujeción a sus normas, y en concordancia con la cláusula democrática contenida en la Declaración de la ciudad de Quebec, la ruptura del orden democrático o una alteración del orden constitucional que afecta gravemente el orden democrático en un Estado Miembro constituye una situación insuperable para la participación de su gobierno en las sesiones de la Asamblea General, de la Reunión de Consulta, de los Consejos de la Organización y de las conferencias especializadas, de las comisiones, grupos de trabajo y demás órganos de la Organización.

Artículo 20

En caso de que en un Estado Miembro se produzca una alteración del orden constitucional que afecte gravemente su orden democrático, cualquier Estado Miembro o el Secretario General podrá solicitar la convocatoria inmediata del Consejo Permanente para realizar una apreciación colectiva de la situación y adoptar las decisiones que estime convenientes. El Consejo Permanente, según la situación, podrá disponer la realización de las gestiones diplomáticas necesarias, incluidos los buenos oficios, para promover la normalización de la institucionalidad democrática. Si las gestiones diplomáticas resultaren infructuosas o si la urgencia del caso lo aconsejare, el Consejo Permanente convocará de inmediato un período extraordinario de sesiones de la Asamblea General para que ésta adopte las decisiones que estime apropiadas, incluyendo gestiones diplomáticas, conforme a la Carta de la Organización, el derecho internacional y las disposiciones de la presente Carta Democrática. Durante el proceso se realizarán las gestiones diplomáticas necesarias, incluidos los buenos oficios, para promover la normalización de la institucionalidad democrática.

Artículo 21

Cuando la Asamblea General, convocada a un período extraordinario de sesiones, constate que se ha producido la ruptura del orden democrático en un Estado Miembro y que las gestiones diplomáticas han sido infructuosas, conforme a la Carta de la OEA tomará la decisión de suspender a dicho Estado Miembro del ejercicio de su derecho de participación en la OEA con el voto afirmativo de los dos tercios de los Estados Miembros. La suspensión entrará en vigor de inmediato. El Estado Miembro que hubiera sido objeto de suspensión deberá continuar observando el cumplimiento de sus obligaciones como miembro de la Organización, en particular en materia de derechos humanos.

Adoptada la decisión de suspender a un gobierno, la Organización mantendrá sus gestiones diplomáticas para el restablecimiento de la democracia en el Estado Miembro afectado.

Artículo 22

Una vez superada la situación que motivó la suspensión, cualquier Estado Miembro o el Secretario General podrá proponer a la Asamblea General el levantamiento de la suspensión. Esta decisión se adoptará por el voto de los dos tercios de los Estados Miembros, de acuerdo con la Carta de la OEA.

V La democracia y las misiones de observación electoral

Artículo 23

Los Estados Miembros son los responsables de organizar, llevar a cabo y garantizar procesos electorales libres y justos. Los Estados Miembros, en ejercicio de su soberanía, podrán solicitar a la OEA asesoramiento o asistencia para el fortalecimiento y desarrollo de sus instituciones y procesos electorales, incluido el envío de misiones preliminares para ese propósito.

Artículo 24

Las misiones de observación electoral se llevarán a cabo por solicitud del Estado Miembro interesado. Con tal finalidad, el gobierno de dicho Estado y el Secretario General celebrarán un convenio que determine el alcance y la cobertura de la misión de observación electoral de que se trate. El Estado Miembro deberá garantizar las condiciones de seguridad, libre acceso a la información y amplia cooperación con la misión de observación electoral. Las misiones de observación electoral se realizarán de conformidad con los principios y normas de la OEA. La Organización deberá asegurar la eficacia e independencia de estas misiones, para lo cual se les dará la totalidad de los recursos necesarios. Las mismas se realizarán de forma objetiva, imparcial y transparente, y con la capacidad técnica apropiada. Las misiones de observación electoral presentarán oportunamente al Consejo Permanente, a través de la Secretaría General, los informes sobre sus actividades.

Artículo 25

Las misiones de observación electoral deberán informar al Consejo Permanente, a través de la Secretaría General, si no existiesen las condiciones necesarias para la realización de elecciones libres y justas. La OEA podrá enviar, con el acuerdo del Estado interesado, misiones especiales a fin de contribuir a crear o mejorar dichas condiciones.

VI Promoción de la cultura democrática

Artículo 26

La OEA continuará desarrollando programas y actividades dirigidos a promover los principios y prácticas democráticas y fortalecer la cultura democrática en el Hemisferio, considerando que la democracia es un sistema de vida fundado en la libertad y el mejoramiento económico, social y cultural de los pueblos. La OEA mantendrá consultas y cooperación continua con los Estados Miembros, tomando en cuenta los aportes de organizaciones de la sociedad civil que trabajen en esos ámbitos.

Artículo 27

Los programas y actividades se dirigirán a promover la gobernabilidad, la buena gestión, los valores democráticos y el fortalecimiento de la institucionalidad política y de las organizaciones de la sociedad civil. Se prestará atención especial al desarrollo de programas y actividades para la educación de la niñez y la juventud como forma de asegurar la permanencia de los valores democráticos, incluidas la libertad y la justicia social.

Artículo 28

Los Estados promoverán la plena e igualitaria participación de la mujer en las estructuras políticas de sus respectivos países como elemento fundamental para la promoción y ejercicio de la cultura democrática.



INSTITUCION EDUCATIVA:								
DEPARTAMENTO:			PROVINCIA:					
^DISTRITO:								
Año	Grado	Sección	Nombres y apellidos del alumno	Código*	Condición del libro ^			
					Recibi	Firma del Padre	Entregué	Firma del Padre

* Código = Número de orden del alumno Condición del libro:

A = Nuevo, completo, limpio, sin deterioro.

B = Completo, se puede borrar algunas marcas, sin deterioro.

C = Con marcas que no salen y con deterioros subsanables.

D = Inutilizable, requiere reposición.




¿Cómo cuido y limpio mis libros?

- Forro mi libro con plástico o papel y le coloco una etiqueta.
- Limpio mi libro con una franela.
- Uso mi libro con las manos limpias y en lugares apropiados.
- Realizo las actividades en un cuaderno u hojas de trabajo, sin rayar ni escribir en mi libro.
- Evito doblar las puntas y que se manche con líquidos o dulces.

¡Cuido los libros porque otro niño los utilizará el próximo año!

SÍMBOLOS DE LA PATRIA

Artículo 49 de la Constitución Política del Perú



BANDERA NACIONAL



ESCUDO NACIONAL

HIMNO NACIONAL DEL PERÚ

CORO

Somos libres, selmoso siempre,
y antes niegue sus luces el sol,
que faltemos al voto solemne
que la patria al Eterno elevó.

HIMNO NACIONAL

Declaración Universal de los Derechos Humanos

El 10 de diciembre de 1948, la Asamblea General de las Naciones Unidas aprobó y proclamó la Declaración Universal de Derechos Humanos, cuyos artículos figuran a continuación:

Artículo 1

Todos los seres humanos nacen libres e iguales en dignidad y derechos y, (...) deben comportarse fraternalmente los unos con los otros.

Artículo 2

Toda persona tiene los derechos y libertades proclamados en esta Declaración, sin distinción alguna de raza, color, sexo, idioma, religión, opinión política o de cualquier otra índole, origen nacional o social, posición económica, nacimiento o cualquier otra condición. Además, no se hará distinción alguna fundada en la condición política, jurídica o internacional del país o territorio de cuya jurisdicción dependa una persona (...).

Artículo 3

Todo individuo tiene derecho a la vida, a la libertad y a la seguridad de su persona.

Artículo 4

Nadie estará sometido a esclavitud ni a servidumbre; la esclavitud y la trata de esclavos están prohibidas en todas sus formas.

Artículo 5

Nadie será sometido a torturas ni a penas o tratos crueles, inhumanos o degradantes.

Artículo 6

Todo ser humano tiene derecho, en todas partes, al reconocimiento de su personalidad jurídica.

Artículo 7

Todos son iguales ante la ley y tienen, sin distinción, derecho a igual protección de la ley. Todos tienen derecho a igual protección contra toda discriminación que infrinja esta Declaración (...).

Artículo 8

Toda persona tiene derecho a un recurso efectivo, ante los tribunales nacionales competentes, que la ampare contra actos que violen sus derechos fundamentales (...).

Artículo 9

Nadie podrá ser arbitrariamente detenido, preso ni desterrado.

Artículo 10

Toda persona tiene derecho, en condiciones de plena igualdad, a ser oída públicamente y con justicia por un tribunal independiente e imparcial, para la determinación de sus derechos y obligaciones o para el examen de cualquier acusación contra ella en materia penal.

Artículo 11

1. Toda persona acusada de delito tiene derecho a que se presume su inocencia mientras no se pruebe su culpabilidad (...).

2. Nadie será condenado por actos u omisiones que en el momento de cometerse no fueron delictivos según el Derecho nacional o internacional. Tampoco se impondrá pena más grave que la aplicable en el momento de la comisión del delito.

Artículo 12

Nadie será objeto de injerencias arbitrarias en su vida privada, su familia, su domicilio o su correspondencia, ni de ataques a su honor o a su reputación. Toda persona tiene derecho a la protección de la ley contra tales injerencias o ataques.

Artículo 13

1. Toda persona tiene derecho a circular libremente y a elegir su residencia en el territorio de un Estado.

2. Toda persona tiene derecho a salir de cualquier país, incluso el propio, y a regresar a su país.

Artículo 14

1. En caso de persecución, toda persona tiene derecho a buscar asilo, y a disfrutar de él, en cualquier país.

2. Este derecho no podrá ser invocado contra una acción judicial realmente originada por delitos comunes o por actos opuestos a los propósitos y principios de las Naciones Unidas.

Artículo 15

1. Toda persona tiene derecho a una nacionalidad.

2. A nadie se privará arbitrariamente de su nacionalidad ni del derecho a cambiar de nacionalidad.

Artículo 16

1. Los hombres y las mujeres, a partir de la edad nubil, tienen derecho, sin restricción alguna por motivos de raza, nacionalidad o religión, a casarse y fundar una familia (...).

2. Sólo mediante libre y pleno consentimiento de los futuros esposos podrá contraerse el matrimonio.

3. La familia es el elemento natural y fundamental de la sociedad y tiene derecho a la protección de la sociedad y del Estado.

Artículo 17

1. Toda persona tiene derecho a la propiedad, individual y colectivamente.

2. Nadie será privado arbitrariamente de su propiedad.

Artículo 18

Toda persona tiene derecho a la libertad de pensamiento, de conciencia y de religión (...).

Artículo 19

Todo individuo tiene derecho a la libertad de opinión y de expresión (...).

Artículo 20

1. Toda persona tiene derecho a la libertad de reunión y de asociación pacíficas.

2. Nadie podrá ser obligado a pertenecer a una asociación.

Artículo 21

1. Toda persona tiene derecho a participar en el gobierno de su país, directamente o por medio de representantes libremente escogidos.

2. Toda persona tiene el derecho de acceso, en condiciones de igualdad, a las funciones públicas de su país.

3. La voluntad del pueblo es la base de la autoridad del poder público; esta voluntad se expresará mediante elecciones auténticas que habrán de celebrarse periódicamente, por sufragio universal e igual y por voto secreto u otro procedimiento equivalente que garantice la libertad del voto.

Artículo 22

Toda persona (...) tiene derecho a la seguridad social, y a obtener, (...) habida cuenta de la organización y los recursos de cada Estado, la satisfacción de los derechos económicos, sociales y culturales, indispensables a su dignidad y al libre desarrollo de su personalidad.

Artículo 23

1. Toda persona tiene derecho al trabajo, a la libre elección de su trabajo, a condiciones equitativas y satisfactorias de trabajo y a la protección contra el desempleo.

2. Toda persona tiene derecho, sin discriminación alguna, a igual salario por trabajo igual.

3. Toda persona que trabaja tiene derecho a una remuneración equitativa y satisfactoria, que le asegure, así como a su familia, una existencia conforme a la dignidad humana y que será completada, en caso necesario, por cualesquier otros medios de protección social.

4. Toda persona tiene derecho a fundar sindicatos y a sindicarse para la defensa de sus intereses.

Artículo 24

Toda persona tiene derecho al descanso, al disfrute del tiempo libre, a una limitación razonable de la duración del trabajo y a vacaciones periódicas pagadas.

Artículo 25

1. Toda persona tiene derecho a un nivel de vida adecuado que le asegure, así como a su familia, la salud y el bienestar, y en especial la alimentación, el vestido, la vivienda, la asistencia médica y los servicios sociales necesarios; tiene asimismo derecho a los seguros en caso de desempleo, enfermedad, invalidez, viudez, vejez y otros casos de pérdida de sus medios de subsistencia por circunstancias independientes de su voluntad.

2. La maternidad y la infancia tienen derecho a cuidados y asistencia especiales. Todos los niños, nacidos de matrimonio o fuera de matrimonio, tienen derecho a igual protección social.

Artículo 26

1. Toda persona tiene derecho a un nivel de vida adecuado que le asegure, así como a su familia, la salud y el bienestar, y en especial la alimentación, el vestido, la vivienda, la asistencia médica y los servicios sociales necesarios; tiene asimismo derecho a los seguros en caso de desempleo, enfermedad, invalidez, viudez, vejez y otros casos de pérdida de sus medios de subsistencia por circunstancias independientes de su voluntad.

2. La educación tendrá por objeto el pleno desarrollo de la personalidad humana y el fortalecimiento del respeto a los derechos humanos y a las libertades fundamentales; favorecerá la comprensión, la tolerancia y la amistad entre todas las naciones y todos los grupos étnicos o religiosos; y promoverá el desarrollo de las actividades de las Naciones Unidas para el mantenimiento de la paz.

3. Los padres tendrán derecho preferente a escoger el tipo de educación que habrá de darse a sus hijos.

Artículo 27

1. Toda persona tiene derecho a tomar parte libremente en la vida cultural de la comunidad, a gozar de las artes y a participar en el progreso científico y en los beneficios que de él resulten.

2. Toda persona tiene derecho a la protección de los intereses morales y materiales que le correspondan por razón de las producciones científicas, literarias o artísticas de que sea autora.

Artículo 28

Toda persona tiene derecho a que se establezca un orden social e internacional en el que los derechos y libertades proclamados en esta Declaración se hagan plenamente efectivos.

Artículo 29

1. Toda persona tiene deberes respecto a la comunidad (...).

2. En el ejercicio de sus derechos y en el disfrute de sus libertades, toda persona estará solamente sujeta a las limitaciones establecidas por la ley con el único fin de asegurar el reconocimiento y el respeto de los derechos y libertades de los demás, y de satisfacer las justas exigencias de la moral, del orden público y del bienestar general en una sociedad democrática.

3. Estos derechos y libertades no podrán en ningún caso ser ejercidos en oposición a los propósitos y principios de las Naciones Unidas.

Artículo 30

Nada en la presente Declaración podrá interpretarse en el sentido de que confiere derecho alguno al Estado, a un grupo o a una persona, para emprender y desarrollar actividades (...) tendientes a la supresión de cualquiera de los derechos y libertades proclamados en esta Declaración.